

清

史

稿

清史稿

樂志六

樂章四

庭宴 殿樂 大宴 嘉賓 飲樂 節節 合奏

元旦冬至萬壽三大節慶隆舞樂九章

於鑠皇清受命於天光延鴻祚億萬斯年天開令節瑞啟階蓂共球萬國聖壽千齡粵自我先肇基俄朶長白之山鵠銜朱果綿綿瓜瓞長發其祥篤生列祖積慶重光式廓舊疆東訖海表聖聖相承永世克紹一赫赫神功龍飛崛起戎甲十三舊迹伊始復讎靖難首克圖倫天戈一指震懾強鄰九姓潛侵滅迹如掃蒙古五部來奉大號明師四路五日而殲定鼎遼瀋都城巖巖陣雲五色江冰夜凝天助有德應運而興二天亶聰明覆幬下國遠服遐歸誕敷文德四方來附雲集景從建長命官庶職是綜爰創國書頡文義畫聲協元音萬古不易爰定軍制綵旒央央或純或間永奠八方締造鴻謨創成大業錫福無疆慶鍾千葉三佑啟哲嗣光闡前猷昭崇駿德誕迓天庥携貳綏懷朝鮮歸款世奉東

藩釐爾圭瓚三十五郡厥角稱臣西被佛土重譯來賓濯征有明耀師齊魯屯
埽郊圻有而弗取略地松杏屢殪敵軍百戰百克用集大勳帝德廣運昭受

鴻名建國紀元永定大清敦睦九族彝倫式叙尙德親賢股肱心膂三館是闢

鑑古崇儒郊社禘嘗式賁皇圖爵秩以班六曹承政百工允釐萬邦表正威鏢

函夏德配蒼穹敬承無斃駿烈豐功帝授神器統一寰瀛剪滅巨寇乾坤載

清一著戎衣若雨甘雨大告武成作神人主躬親大政飭紀整綱制禮作樂昭

示典常納練任賢慎微慮遠定律省刑萬世垂憲克勤克儉忠厚開基景命維

新兢業自持聖神建極道冠百王六十一年福祚久長天縱聰明冲齡御宇

孝奉兩宮德隆千古三孽蠢動一舉蕩平海氛永靖浪息長鯨親御六師三征

沙漠威肅惠懷鋤頑扶弱禹功底績虞典時巡敷天率土莫不尊親惟天行

健神聖則之典學勤政作君作師無逸爲箴宵衣旰食一人憂勞綏此萬國文

經武緯地平天成中和立極玉振金聲億萬斯年觀光揚烈敬天勤民體元作

哲天鑒孔彰翼翼後王儀型皇祖帝祚遐昌珤圖炳煥六合雍熙星輝雲爛

風雨以時翕受嘉祥調和玉燭治竊皇風道光帝籙東漸西被北燮南諧梯航琛裘畢致堯階日升月恒萬拜蒙福擊壤歌衢嵩呼華祝秩秩盛儀洋洋頌聲紹休列祖永慶昇平

九章

嘉慶元年太上皇筵宴慶隆舞樂九章

洪惟太上景福自天紀元周甲席瑞循環丙辰肇歲寶命躬膺昊慈默顧祖武敬繩初願克符弗踰前紀誕昇元良丕承宗祀孟陬朔旦端啟重光大廷授受中錫無疆精一執中心傳欽守媲美勳華世躋仁壽

一章

維聖握符祇嚴昭事肅肅泰壇惇稱殷禮兆南就位有舉必躬祈辛卜稼祭雩占龍陟降靈祇精禋肸

蠶四序鈞調百神歆享兩暘寒燠日風日時八徵敬念九寓醇熙壽增上靈弗懈益虔茂膺多祐翕應蕃駢

二章

謨烈顯承福基萬億對越在天升馨昭格藹膺申慕彝訓式欽晨興惕若寶籙披尋四莅陪都珠邱展謁絺繡艱難緬維開國

威宣弧矢化肅冠裳祗循前典日篤不忘繼繼繩繩昭哉嗣服於萬斯年錫茲祉福

三章

聖人敕政綜攬萬幾至誠悠久維日孜孜恭乃壽徵健爲乾體洞照八

挺勵精才畧丹毫批奏彤陛延英勛農履藉展義巡行相度塘隄於河於海肆
武習勤費藩宣愷純一不已用介大年貞恒保泰往牒孰肩四民應如草聖澤

如春大鈞默運宙合同仁五免丁糧三蠲庾米豁欠寬徵恩覃肌髓爰諮稼穡
普及封圻偏隅有告大賚胞施民隱燭微吏猷選最岸獄平反拊循攸賴乾坤

轉載日月照臨莫名帝力允享天心五聖謨廣運文德誕敷道隆金鏡象麗瑤

樞禮正圖編詩釐樂府四庫分排七閣崇茂講筵著論史鑒宣訃園橋集鼓泐

石橫經文薈三千詩裏五萬雲漢倬章日星炳煥作人敷教恩勝駢聯榘枘杞

梓良材蔚然六皇猷赫濯載續武功殊方奉朔遯裔從風準部回疆天戈疊指

二萬輿圖宅敗斯啟金川再定叩雙犁庭樓船震懾海嶠收寧緬孟敏關交南

狁闕衛藏安禪徵夷向日鴻勳十告馳驟禹湯苗頑率服續繼紫光七範九五

福惟帝時承億齡瑞啟奕葉祥凝寶篆十全堂顏四得甲子稽撓貞元衍易洪

開壽宮疊舉耆筵珍府闡繹景緯昭宣惟德之基惟福之積芝檢文輝蘿圖慶

溢九如曼羨八表蕃釐重輪繼照光我皇儀八太上立德咸五登三崇稱卻讓

洪澤均覃動植蕃昌裨瀛照洽子帝承顏來昆引牒祥源益溥慶祚洪延瑤圖
汁紀珠斗輝曜純嘏緝熙康強逢吉光啟帝期永綏皇極會元章部正載經畎
願齊聖筭長頌臺萊章九

乾隆二十六年皇太后七旬萬壽慶隆舞樂二十章

皇太后萬壽彌增皇帝至孝以承洪福同山海歡聲率土騰章一歲當辛巳建壽

屆七旬隆怡愉太平日舞蹈徧寰中章二太后宏溥慈仁宮闈式維均綿延百世

澤長此樂長春章三盛際集禎祥祈年日正長臣民敬申輿頌慶覃恩敷八方章四

聖節開嘉燕雍容舞疊允茲祺壽綏神人共歡忭章五金鑰噶曉曉開成行彩仗

先排臣工大小陪位會朝稱慶無涯章六皇帝仁孝兼至聖母福壽同綿載考古

史所紀罕得於斯盛焉皞皞熙熙盛世氤氲氤氲元氣皇太后聖壽無疆皇帝

孝思不匱章八如日之升如月之恒慈壽綿綿如南山是徵章九皇帝聖治臻隆庶

業被澤膏濃以茲悅懌聖母允宜福壽攸崇章十大孝章矣菲祿長矣敷天嘒嘒

樂時康矣章十一聖時文教昌萬彙欣解阜多福允受茲清寧並悠久章十二異域

輸誠稱臣奉琛屬國以萬數雲集合歡心章十三殊方一以平德威既遐布長治

而久安慈懷同增豫章十四回部偕來賀德化漸以深戴恩永無極送喜承皇心

章十五迺陟金陛兮慶筵載陳迺展舞綵兮至德洽於無垠章十六鐘鼓既宿懸和

聲娛愷樂九重進版圖王會式增廓章十七日雨日暘時若省歲實維屢豐泰宇

既安既阜嬉游何幸風同章十八浹兮淪兮沐湛恩兮九州萬國戴逾殷兮章十九

聖母延洪康且頤行慶施惠人無遺願集多祐綬維祺勿替引之億萬斯章二十

乾隆三十六年皇太后八旬萬壽慶隆舞樂十八章

聖母萬萬歲既壽而康皇帝逾六旬孝治彌光綢繡化宇兮太和翔洽諸福畢

至兮純嘏爾常章一重光冒卯歲序新萬壽八秩啟今辰景祐自茲以永慶日引

而月升章二皇帝舞綵聖母燕喜協氣充周福祿萃止章三璇宮丹雘新增卿雲紉

綬交凝瑞符翕集如松柏之茂承章四奉安輿以時邁迺東至於岱宗陟喬嶽而

行禮百神衛祐咸來從章五普陀肇靈剎宗乘宣祝延慈釐羣藩諸部長咸來膜

拜瞻威儀章六敷天合歡忭共球萬邦獻玉冊揚徽稱輝煌晉萱殿章七慶筵樂備

孫曾效舞成文協節嘏辭疊舉章八壽如南山崇福如瀛海廣運會超邈隆亘古

實無兩章九振振繩繩樂含飴樽樽總總福履綏奉進如意肩相隨同祝聖壽徵

攸宜章十金門誅蕩開彩仗夢麗陳羣工忭賀莫不尊親章十一八方太平日負戴

來紛闐僉曰盛哉乎斯世維申慶於萬年章十二湛恩汪濊中外禔福臣庶戴德

久而彌篤章十三鴻化迪矣昭烏奕矣羣黎百姓洽教澤矣章十四慈訓式於九圉

維聖母之貽醴膏浹無外勿替引令祺章十五歲功屢告豐穰五風十雨兆祥荷

昊穹兮錫佑協皇心兮降章十六遠藩內面誠殷上爾扈特願歸我幅員率戶口

以數萬計呼嵩鞠膺來如雲章十七慈顏有喜安以愉德洋恩普周寰區純休永

永慶那居億萬斯年樂于胥章十八

道光二十五年皇太后七旬萬壽慶隆舞樂九章

日升月恒兮天行不息惟聖母之壽與天無極章一淵淳岳峙兮地道有常惟聖

母之壽應地無疆章二辰維良月維吉玉觴陳金奏列動六琯之春陽七旬之慶

節章三皇帝奉爵龍袞以侑左撫舜琴右酌堯酒合薄海臣庶爲聖母壽章四聖母

燕喜悅豫且康乃稽慶典載考彝章覃恩闡澤川錫祉於萬方五章萬方有慶四

海同春凡我髦士以逮蒸民仰思齊之盛化成蹈德而咏仁六章和風習習甘雨

祈祈嘉穀六穗瑞麥雙歧祥源福緒惟聖母之貽七章萬姓香花千衢歌舞敬祝

聖母誕膺多祐樂意徧八埏歡聲騰九土八章皇帝聖德惟聖母是承龍池春麗

風液祥凝永介慈福延億萬齡九章

同治十三年皇太后四旬萬壽喜起舞樂二十章

皇太后萬壽無疆孝思共仰當陽多福符三祝維天降百祥一章歲逢甲戌恭遇

四旬普天祝嘏朝朝啟啟二章延洪綿寶籙佳節慶長春敬獻升恒頌歡聲徧九

垠三章九垠溥被崇釐大化式於璇帷萬姓瞻依切千秋統緒垂四章垂簾十一年

夾輔任親賢長治久安歌永賴武功懋兮文治宣五章皇躬資撫育訓政昭嗣服

燕翼荷貽謀鴻庥多景福六章生民遂元化滿過腴創寬租通普樂利醉醖酬熙

熙睭睭懌懌愉愉七章殊方如砥平聲教既遐布建此丕丕基慈懷信增豫八章皇

帝仁孝兼隆聖母萬福攸同盛世人民樂愷清時景物照融九章閭闔千門啟安

輿駕鳳來德暉欣普照歡喜上臺十鬱鬱蔥蔥氣佳行行綵仗齊排鸞序鵷班

陪位會朝稱慶無涯十一萱室開嘉燕萬年觴豐獻良辰壽而康神人共歡忭

十二我皇舞綵聖母情怡太和翔治福祿來爲十三奏五英親九族麟定歌鴻

恩沐本支百世感深仁天潢一派益敦睦十四藩王部長咸來賓重譯殊方職

貢陳赤子之慕抑何深凡有血氣同尊親十五奔走偕來趨闕廷鞠膺忭舞祝

遐齡錫之冠帶列藩屏小懷大畏懷威靈十六皇帝治治重熙垂裳恭己無爲

以茲怡悅壽母允宜福履綏之十七大孝章矣菲祿康矣勿替引之純嘏長矣

十八五風十雨兆嘉祥頻書大有告豐穰盛哉斯世泰而昌神功炳焯煥珠璣

十九同游化宇戴高厚躋金陛兮介眉壽慈顏有喜安以愉與天地兮同悠久

二十

光緒十年皇太后五旬萬壽喜起舞樂二十章

至哉神極悠久無疆猗歟令德合撰含章堯門疊瑞姒幄披祥一人有懌萬壽

彌城一星麗南弧日躔北陸縱室葭飛形階葭續太史占雲伶倫候玉上下和

同受天百福

章二

天心復旦聖節長春幣壤齊慶旦霄奉珍月儀外宙雲瑞中宸

運隆禮樂感極天人

章三

其禮伊何鑾冊繆章鸞回寶勢鳳欲奇香金支景衆璇

衛雲張肅雍長樂艾熾耆昌

章四

其樂伊何韶謨亮希天歌抗律雲舞踰儀重華

綬綬八風回回玉節金和銅音之徽

章五

福以德昌慶因善積齊莊有臨幾康無

敦訓流繭觀風光椒掖畢管書儀傾璜奉式

章六

助隆庶政敝佑我皇業威弓矢

輯瑞梯航匪鄉即敍島譯寶王慈和徧服保畏彌光

章七

於維廣運上煥昊穹春

育夏養內帡外幃薰琴解愠嘉玉祈豐萬年翔治百室熙隆

章八

鄧林翹秀崑岫

搜奇旁求俊乂分職官師四聰明達三宅周咨卷耳進賢如歌風詩

章九

聖人在

上席邕綏和慈雲蔭遠愛日暉多仁獸歸藪靈禽在柯士朝而忭民野而歌

章十

帝隆孝治躬奉天經凝旒冲幄鳴玉慈庭文容屬屬舜慕蒸蒸百禮既至四海

其承

章十一

不顯宗親歲時嘉會邇月瞻星編珠貫琲璇源益濬玉葉知芘訓儉

示恭行慶施惠

章十二

濟濟卿士將將會朝人瞻丹扆天臨慶宵綢文炳藻睿孝

圖瑤呼嵩祝華頌魯歌姚

章十三

亦有藩長綴於朝儀耐珍溢阼貢嘏駢墀來賓

璋馬往資金犀既富皇社咸歡壺彝

章十四

帝命重申如綸如綍如綍如綍勸農賜租勸位

詔祿熙熙春臺渠渠夏屋慶賞雲興歡聲雷速

章十五

昭禮告秩慈顏愷康旋輝

玉城鳴豫瑤觴喬皇聖孝菴藹休昌鉤鈐既朗延嘉亦芳

章十六

黃屋長今彤箴

自古媯汭嬪虞望山贊禹徽德孔明重規襲矩以祉元吉宜延遐緒

章十七

甲子

章節循環無端易圖大衍義畫先天箕疇演福軒策調元維天佑聖於斯萬年

章十八

嶒嶸五岳而岱之宗濊濊百川而海斯容兩儀清穆八表熙雍湛恩波沛

峻算山崇

章十九

靈貺便蕃昌期綏茂帝暉緝熙母儀純佑遐邇壹體小大稽首

壽考維祺克昌厥後

章二十

光緒二十年皇太后六旬萬壽喜起舞樂二十章

皇太后福壽同綿皇帝仁孝兼全天佑聖母錫之大年

章一

闕逢歲之陽其陰在

敦牂其日維吉其月曰良

章二

王會大同星紀五復萬國萬年以介景福

章三

猗歟

母儀翼我聖主曰仁曰智允文允武

章四

其武維何謚謀璇幄龜靖神州威疊殊

俗

章五

其文維何崇儒禮賢奎章藻耀雲漢在天

章六

其智維何明燭萬里中外一

家宮府一體

章七

其仁維何如湯如堯獨租發帑以恤民勞

章八

民勞休止庶優游

止雖休勿休民瘼求止

章九

自普天而率土兮咸浹髓而淪肌聖皇之德兮聖母

之慈

章十

茂矣美矣薦嘉祉兮唐矣皇矣純嘏爾常矣

章十一

纁印若綬颺拜稽首

壤歌衢謳逮及童叟

章十二

累譯而至屬國以萬計咸含和而吐氣頌曰盛哉乎

斯世

章十三

大矣孝熙聖皇之思以天下養永奠此丕丕基

章十四

行慶施惠洪恩

汪濊而熾而昌眉壽無有害

章十五

迺鑲璽冊兮瑑璠章迺展瓊筵兮奉玉觴迺

瞻金陛兮穆穆皇皇

章十六

迺奏雅樂兮喈喈將將

章十七

琴瑟在御鐘磬在簾聲乎而

鼓軒乎而舞

章十八

蕩蕩八荒惠問所翔願聖母壽應地無疆

章十九

闔宵戴笠微

音四塞願聖母壽與天無極

章二十

荷天衢提地鼈迄於期頤萬有千歲福履綏

之

章二十一

乾隆四十五年高宗七旬萬壽慶隆舞樂九章

皇帝萬萬壽福如大海源浩元氣兮春和溫澤洋溢兮彌乾坤

章二十二

歲維庚子恭

遇七旬太平有象鴻禧日新

章二十三

班禪親後藏十方版舉延企瑞靄集豐年廣法

輪宗風被

三章

麗正門開詠蕩王公大臣拜舞瞻天仗旗電雲芬芒芒五雲朗鑪

烟上

四章

敬天勤民久純德四海敷皇帝壽萬萬年孔固南山如

五章

蒙古衆台吉

青海衛拉特愛之如赤子傾心世歸德

六章

土爾扈特歸順武義金川威震如天

大德曰生蹈舞揚休入覲

七章

曼壽多福臚懽無疆如松柏茂萬業純常

八章

皇子

及孫曾稱觴介眉壽祝鴻禧兮歲共有與天地兮同悠久

九章

乾隆五十五年高宗八旬萬壽慶隆舞樂十八章

皇帝萬壽福如大海源亨育德恩普休和暢八埏

一章

歲維庚戌恭遇八旬神

人祝嘏景福益臻

二章

洞開九重辟公呼嵩祥光卷霓歌舞攸同

三章

敬天勤民歲

書大有萬壽無疆山岳悠久

四章

文光炳二曜武烈宣萬方義正以育遐邇胥來

王

五章

燕千叟兮嘉麗眉賜節帛兮拜鴻施臚懽介祉兮叩彤墀羣登壽寓兮祝

蕃釐

六章

篤天潢賜章服燦五采親九族本支百世感殊恩懽洽羣情益敦睦

七章

臨雍釋菜文教振興人材樂育爲國之楨

八章

輯四庫書譽髦鼓舞惠茲藝林上

下今古

九章

修藏兮譯金經廣善緣兮福羣生慈雲布濩兮光晶瑩和風甘雨兮

彌八紘

章十

藩王部長咸來賓遐荒重譯職貢陳依光慕化同尊親赤子之幕中

外均

章十一

安南國王趨闕廷鞠膺忭舞祝億齡寵以冠帶列翰屏聲教遠暨海

國寧

章十二

緬甸來庭寵膺綸詔頒印錫封永綏炎微

章十三

生番嚮化傾心太平

恩浹肌髓威畏惟誠

章十四

聖明四照福綏綿綿吉祥屢臻億萬斯年

章十五

永承

天庥祥徵滋至載頌九如祚延萬世

章十六

子孫曾元戲綵舞壽而康兮祝純嘏

歲歲年年福履增天地合德同博溥

章十七

中和舞樂邁韶謨普天率土懽同聲

慶萬壽兮菲祿膺受天佑兮莫不承

章十八

嘉慶十四年仁宗五旬萬壽慶隆舞樂九章

皇帝萬萬壽壽與天無疆秉德貞恒篤鴻祐珍符曼美恩滂洋

章一

歲維己巳聖

節五旬六合昌阜嘒嘒陽春

章二

我皇功德冒八極掃除羣慝登衽席磬磬即即

師象山永綏生民偃兵革

章三

民生遂元化濡遇朕創寬惇通饜餐粥襲裾襦樂

皞皞安愉愉

章四

作之君作之師孔容保誕教思厚莫厚訓宗支仁莫仁歲八旗

五繼統恭勤兮儉德先有孚惠心兮靡回延泉府充美兮軫民艱馮嶼輯和兮

五繼統恭勤兮儉德先有孚惠心兮靡回延泉府充美兮軫民艱馮嶼輯和兮

功濬川

章六

重民耕織雨暘寒燠圖輯授衣纂志祖考大孝備矣養民爲寶

章七

公卿士俊髦胤蒙雲施山應降福屢豐綿綿瓜瓞上怡皇衷

章八

承昊佑兮撫八

紘洪景命兮方升恒率土臚懽兮重譯職貢於萬斯年兮福祿永膺

章九

嘉慶二十四年仁宗六旬萬壽慶隆舞樂九章

九有嘉吉萬彙昌貞冬嫺煦日載陽帝承昊貺錫兆庶聖壽曼羨長無疆

章十

幹十二枝紀歲周復始皇帝壽齊天循環萬甲子

章二

北賢窮髮南雕題耕桑直

過崑崙西黃河安恬日東注波澄鏡海騰朝曦

章三

景風翔兮卿雲升民游壽宇

兮化日恒世胤鴻兮多耆耋生逢太平兮山高曾

章四

厚民生省厥慝立嘉禾稂

莠弗崇正教恥且格惠元元徧帝德

章五

繼皇統兮承祖澤王業艱難兮孝思靡

極眷遵藩兮夙法駕式考訓兮永無斁

章六

帝座烝民拯之德政曰雨曰暘天心

協應熙熙春暘豐年屢慶

章七

日月方升恒川嶽成效順祝嘏萬方同梯航集琛

寶

章八

歲己巳兮恩普錫今茲己卯六旬聖節帝澤汪濊兮海寓樂康願逢旬慶

兮萬有千億

章九

乾隆四十八年乾清宮普宴宗親世德舞樂九章

天開聖清覺羅肇興列祖繼緒統一寰瀛一溯祥長白垂統發跡幅員廣大景

附悅懌二聖皇立極與天比崇純常弗祿昌後隆宗三篤親九族錫恩單厚金

黃帶垂峨冠品授四枝蕃蕤榮星情則嘉承天和方春載熙五璇宮肆筵宗人

爰集黼黻盈庭班行辨級六皇睠有喜便蕃賚予侍衛賜茶恩涵露渥七肫仁

溥澤大府頒金皇慈既渥以洽壬林八宗人拜舞臚懽忭祝億萬斯年永綏多

福九

乾隆初巡幸盛京筵宴慶隆舞樂一章

皇天明命篤生太祖錫之聖智奄有東土於聖太祖開基創業始制國書同文

六合曰若太宗嗣承天命肇造區夏仁育義止太宗如天丕冒純德於鑠大清

懋建皇極興京聿興盛京斯盛惟其至仁九有託命欽惟聖皇追慕深思率祖

攸行惠我嘉師敬觀寶錄日星爲昭祖業艱難中心忉忉乃頒明詔播告臣氓

恭謁祖陵旋軫陪京皇帝篤誠珠邱展觀文武從臣駿奔效盡我皇聖哉綢大

不遺從臣文武體恤周知乃出邊關乃經蒙古閱七愛曼蕃部悅舞御光遠臨
旂裘畢來宸衷軫念錫賚恩恢受我皇恩祝我聖皇合十膜拜恩膏溥將莅克
爾素駕言行狩手格虎殪馬射熊仆英哉我皇舍矢如破獲獸孔多萬人腹果
爰莅舊邦爰謁三陵既躬既親我心則平豈敢憚遠豈敢畏險至止禮成心猶
縈縈皇帝大孝承祭至敬肅將明禋萬拜爲鏡皇仁懋哉重齒敬老清問殷勤
德施浩浩盛京莅止臨朝閱武御崇政殿恩敷率土

乾隆八年巡幸盛京大宴高宗御製世德舞樂十章

粵昔造清匪人伊天天女降思長白闔門是生我祖我弗敢名乃繼乃承逮我

元孫章一元孫累葉維祖之思我西云來我心東依歷茲故土仰溯始謀皇澗過

澗締此不基章二於赫太祖肇命興京哈達輝發數渝厥盟如龍田見有虎風生

戎甲十三王業以興章三爰度爰遷拓此瀋陽方城周池太室明堂不寧不靈匪

居匪康事異放桀何心底商章四丕承太宗允揚前烈倬彼松山明戈耀雪以寡

敵衆杵漂流血惜無故老爲余詳說章五余來故邦瞻仰橋山慰我追思夢寐之

間崇政清寧載啓南軒華而不侈鞏哉孔安

章六

維我祖宗欽天敬神執彖酌匏

咸秩無文帷幔再張尊俎重陳弗渝弗替遵我先民

章七

先民宅茲載色載笑今

我來思聖日俯照爵我周親蓋臣並召亦有嘉賓歡言同樂

章八

懿茲東土允維

天府土厚水深周原膺膺南陽父老於是道古有登其歌有升其舞

章九

我歌既

奏我舞亦陳故家遺俗曷敢弗因渾渚淳休被於無垠勿替引之告我後人

章十

乾隆十四年金川凱旋筵宴慶隆舞樂一章

乾隆聖世瀛寓又康元首惟明股肱惟良景運鴻昌休德茂著統馭八埏惠液
遐布金川小醜蠢爾冥頑惟時弗率跳梁窮邊用中天討聲罪執言長驅驛駕
油雲斯屯聖謨廣運決機萬里聿簡賢臣良弼是倚曰忠曰勇經略戎功心堅
金石誠格蒼穹身先烝徒跋履巖阻晨夕盡瘁均勞共苦姦宄是殛逆謀是攘
國憲孔昭我武孔揚窟穴梨止岳巢圯止堅卡墮止峻礪毀止爰視其魄爰喪
其膽震懾股栗潛伏於坎如鼠竄穴如鱗游釜號呼哀籲再三求撫元臣執義
慎欲蕩除帝德好生曰免駢誅六條攸約虔慄遵循恩綸祗奉解網施仁不革

厥心旬旬奔赴除道築壇香雲擁路帝仁覃敷六合滂洋蘇其枯朽賜以再生
展也滿兵燹月功成云何其速皇猷是憑神功炳焯乾坤軒豁九重勝算明並
日月勸諸瓊玖昭諸汗青禮成鉅典樂奏昇平膚功克奏昇平膚功克奏慶筵
是侑太和氤氲翔治宇宙卿雲紉縵景緯珠聯梯航琛寶億萬斯年

乾隆二十五年西域平定筵宴德勝舞樂一章

祖志繼成翦滅遠叛籌畫從容疆闢二萬川原式廓乃經土田廟筭宏深天心
契焉車楞內訌丐恩臣服得錫王公周恤其屬鬼蜮阿曾旬旬帝庭龍以藩服
秉鉞專征俘達瓦齊再生曲宥念彼軍勞崇封晉授阿曾校繪將伏天誅妄冀
非分叛於中途反覆二心棄厥妻子役屬離散巨惡宜爾汲水萬里欲息燎原
似彼狂曾徒然自燔竄俄羅斯疫戕其命遐方尊主爰獻於境滿洲索倫凌波
飛渡奮勇莫當峻嶺爰度俘厥通逃收彼牲畜取彼子女如摧朽木弓矢所加
賊孽莫禦急思兔脫震駭無措蠢爾賊衆作亂變更帝德涵濡惴獨遂生豈曰
黷武乘時造會忍弗遠撫回首在囚解其禁錮甫還庫車流言煽布惟彼兇渠

負君莫比罔念聖恩能弗切齒伊犁既輯諸部賓服豫策久長悉收回族二賊潰逸命將追遏踰其穴巢直抵巴達爰遣侍衛乃得其情回長捕類獻馘輸誠遂古莫稽列史具在殲寇如斯未有擬類擒擒淨掃寰宇昇平師出以正中外永清睿謨惟誠宵旰無逸宏奏膚功聖心斯懌順我者昌逆我者亡旌別恐遺天語孔彰酬庸封爵表勇錫名昭茲懋賞章采聿明誅鋤元惡大功告成如春育物德合清寧

道光八年重靖回疆筵宴德勝舞樂二十章

道光聖世德治絃埏獻琛奉寶有翼有虔

章一

蠢茲逆回通誅小醜喙伏荒裔敢

爲戎首

章二

廢廢其羣驛驛其氛涉卡潛煽不戢自焚

章三

皇赫斯怒爰命揚威汝

往討亂執訊以歸

章四

渾巴什河先聲克振進殲柯坪靡有遺燼

章五

沙崗從從我

兵既攻三莊埽穴十日奏功

章六

奏功一月四城迅復伯克跪迎額頌神速

章七

莫赤匪狐莫黑匪烏星弧所指並伏其辜

章八

帝軫八城獨厥祖賦耄齡歡慶九天

甘澍

章九

於饒宸謨十條誕敷罪人務得勿俾稽誅

章十

稽誅勿俾征師勿俟次第

凱還以息勞動

章十一

蒼莽四山偵騎周環妖鳥攸投庭弓攸彎

章十二

歲既宴矣

烝徒驤驤制挺撻賊阿圖什莊

章十三

我追彼竄自昏徂旦抵鐵蓋山去路倏斷

章十四

爰喪其馬爰曳其兵奪彼短刃繫以長綬

章十五

城柳初黃驛騎載馳都人

夾道遙望紅旗

章十六

囊弓錫組告於天祖歸善慈闈孔曼受祐

章十七

勒碑誌事

御門受俘聿啟喜宴露湛雲需

章十八

旨酒既嘉隊舞入侑小大稽首我皇萬壽

章十九

聖武維揚聖恩維長饜仁飫義萬壽無疆

章二十

大宴筵吹樂六十七章

乾隆七年定

牧馬歌

人君之樂恃此紀綱兆民之樂恃我君王室家孔宜夫君之力朋友

有成和輯之德

古歌

八種成壤兮實人世常墮迷網中兮慾鎖與情韁愚人無識兮樂茲殊

未央執空爲有兮謬語其奚當

如意寶

不澡心於羣經具本性而無明不服膺於佛乘說妙行而聽榮

佳兆

一人首出萬國尊親湛恩汪濊普被生民百花敷榮一日悅目灌頂寶

光萬衆所伏

誠感辭 良胡畏哉衰以至誠良胡過哉竭已所能良胡僞哉語無文飾良胡
怠哉罔敢休息

吉慶篇 有君聖明逾戴天有臣靖共勝後嗣健婦持家過丈夫如意寶珠惟
孝子

肖者吟 滅除已罪仗佛眞言如欲療病惟良藥存菩提鐙兮出衆生於黑暗
智慧梳兮櫛六慾之糾纏

君馬黃 大海之水不可量天府寶藏奚渠央良朋和睦益無方聖有謨訓垂
無疆

懿德吟 人君能仁蒸黎之父君子和平羣相肺附懿厥哲人實維師傅臣智
懷私乃民之蠹

善哉行 惟安惟和心意所欲無貳無虞朋友式穀
樂土謠 分人以財惠莫大焉施人以慧寧不踰旂

踏搖娘 日將出兮明星煌煌壽斯徵兮秀眉其颺三十維壯五十遲暮莫親
祖母莫尊祖父

頌禱辭 我馬蹀躞行如流水雋英滿座交親悅喜族黨嫺姪咸富且貴酌酒
爲歡既多且旨

慢歌 十五歡娛八十衰壯容華茂遲暮悲祖妣最親祖尊哉

唐公主 遵王之路兮愆尤希素位而行兮夫奚疑

丹誠曲 罔有敗事兮遵道而行長無離析兮順親之情

明光曲 瞻彼日月虛空發光聖君聖母焜耀萬拜

吉祥師 日月之明兮容光必照聖君之明兮蒸黎咸造

聖明詩 際聖明時良我福只橫被恩澤良我祿只

微言 倏忽變遷順其自然如彼蜃樓余生渺焉

際嘉平 諸惡莫作菩提薩多瞋瞋妄行用墮三塗

善政歌 經何本本於宗身何本媼與翁罪何本噴熈熈福何本和雍雍

長命辭 靡言不適於道兮水萬派而朝宗夫惟外道之妄語兮井自畫而不通

窈窕娘 惴惴原獸思全其身兢兢庶士思庇後昆

洪露 維彼愚人惟知己身維此哲人心周萬民

四賢吟 六欲相牽微生是戀歎彼駒光如夢如電

賀聖朝 慈悲方便永斷疑情極樂淨土不滅不生

英流行 知之而作兮明哲所由不知而作兮庸愚之僭虛而後動卓彼先覺率而妄動兮是乃下流

堅固子 馬蹀躞兮身不獲康念此身兮本自無常馬騰驤兮生不獲寧念此生兮本自無生

月圓 良馬之德於田可徵良朋之行相交乃明

緩歌 良馬云何乘者所思良朋云何久而敬之

至純辭 惟帝力兮勞來父母力兮免懷乘騏驎兮馳驟仗巨擘兮弓開

美封君 貢高專美曰惟不仁擁貲自厚不久四分惟不惺惺乃不戒懼凶心
常萌誰與共處

少年行 嗟棄捐於巖穴兮盍遠播夫芳聲嗟終老於草莽兮盍永垂夫令名
四天王吟 悲哉北邙令聞宜揚北邙悲矣青史不渝

宛轉辭 瞻彼中林芄芄萬木旂檀有香生是使獨萬類咸若攘攘芸芸民之
父母首出一人

鐵驪 載飛載翔惟翮是憑爲聲爲律惟心是經射之能中惟指是憑交之能
善惟和斯恒

木樨珠 殷之成難兮孚化之功羽川爲儀兮賦命之隆迪彼愚蒙兮惟聖之
功明厥本性兮實在己躬

好合曲 維勤斯哲安不可懷溺茲小樂至樂難期

章阜 乾照無私聖教無類謨訓洋洋鑒茲不昧

天馬吟 騏驥不羣蹇驢鴻鵠不偕斥鷃騶虞不遇狐狸聖哲不昵愚賤

大龍馬吟 疇知幻軀祕此佛性疇不退轉佛恩來證上德墮落疇其知病下士頓起疇其知兢

始條理 福慧天亶誠哉難親通人達士豈奚易返

追風赭馬 葱兮蒨兮山有芳蘭儻兮祈兮首有妙髮

迴波辭 元首明哉首出股肱良哉罕匹賢夾輔兮王室莫執左道蝨賊

長像 景行行止下民堪憐宜汎愛衆毋逆忠言

平調 騏驥適我體藝鞿衡我身嘉言資我道經史沃我心

遊子吟 升彼高阜兮思我故鄉有懷二人兮莫出戶堂陟彼崔嵬兮思我故

鄉有懷二人兮莫出垣牆

平調曲 帝王無逸天地和寧辟公膺敏兆民阜成

高士吟 日之升天爲經民之行君爲程水之流隨坎盈牝之游駒之情

哉生明 非冒於貨賄也感兄弟之敬心非貪於飲食也感父老之誠忱

高哉行 云何致太平畢然望皇衢人生夫何常善保千金軀民之不能忘令

名照神區子孫振繩繩百千萬億餘

三章 敬尊佛敕如滋甘雨莫行邪惡種茲罪苦

圓音 身無常花到秋名無常雷不留財無常蜂釀蜜水無常海發漚

欄杆 賢者斯賢賢不賢不賢賢蜜蜂見花駐蜻蜓去翩翩

思哉行 千金寶馬不如先人之畀遺管盡諸果不如母乳之甘兮

法座引 電可畏兮時屆朱明霜可畏兮五穀將登禍可畏兮歡樂所成罔不

畏兮憶神魂之初降生

接引辭 火宅無清涼苦塗無安樂鳥路誰能携閭浮難駐脚

化導辭 閭浮提界如彼高山越之維艱盡卻今時大海漫漫欲渡良難

七寶鞍 瞻彼隄岸水則不濫有君牧民當無畔散飛鳥雖疲寧甘墮地君子

固窮之死不二

短歌 嗟余生之歡樂兮似黃離之盈艮感韶光之荏苒兮似青葉上之青色

及芳華之當齒兮且喜樂以永日

夕照 時乎時乎時外無時時其逝矣奚與樂爲黃離既昃定少溫暾天光既暮暉暉其陰

歸國謠 皇矣聖世藹如仁君懷哉懷哉日遠日分亦有良朋如兄如弟日遠日離不能遙跂

僧寶吟 投誠皈命旣安且吉如佛塔廟云胡遠別和樂且耽手足提攜如姊如姊云胡遠離

婆羅門引 酪必成醕父將成祖沙必成邱母將成嫗

三部落 試觀三界漚起漚滅如彼秋雲乍興乍沒

五部落 流水何湯湯吾生如是游雖有聖賢人誰能少滯留

乾隆二十五年西域平定筵宴筍吹樂一章

閭闔煌煌鐘鏘鏘鏘鳴鞭祗肅帝用燕康荷天純嘏祖德凝庥從容底定允升大猷聖德宏敷光被遐邇如拱北辰諸部歸止慈恩覆幬滄海無量爭先效順奔走來王憲章斯備勝算克成跳梁羣醜魚貫輸誠天威震疊小腆惕厲大君

惟仁莫不臣隸聖教宏敷額手格心月露同風越邁古今遠謨是協絕微安康
撫綏之德徧於遐荒乾元功懋滂洽垓垓巍巍盛德億萬斯年

道光八年重靖回疆筵宴笳吹樂九章

於赫皇威式於九圍回疆耆定飲至勞歸章一有截回疆純皇所綏畏神服致鞏

我藩籬章二蠢茲逆裔通誅再世燎原自焚法不可貫章三戎車爰西如雲如霓一

月三捷四城其猷章四四城既治醜黨既夷穀附張麗妖烏安之章五回莊歲邇有

鵠萃止躡迹窮追鐵蓋孔歸章六繫以白組報以紅旗新春送喜皇心載怡章七昔

賦出車今歌采薇受釐天祖歸善慈闈章八嘉獻允儀溥哉恩施奉觴稽首萬壽

維祺章九

大宴番部合奏三十一章乾隆七年定惟大合曲染絲曲公莫雅政辭風風鳴

曰政治辭曰千秋辭曰鴻鵠辭曰慶君侯曰慶夫人曰慶江南北鹿辭曰合歡曲

番曲曰小番辭曰遊逸辭曰興盛辭曰豐治曲曰慶聖師曰白鹿辭曰合歡曲

曰白鹿歌曰流鶯曲曰君侯辭曰夫人辭曰
大合曲 元綈是依明神是祇一心至誠昭事勤只巍巍大君永底蒸民中心

愛戴稽首來臣念人生之無常兮合勤修夫善行信百行之咸善兮終和平而神聽

染絲曲 大君至聖教敷率土教寧萬邦拜跪奉主

公莫 丕顯元后惠懷萬方國彥棐恭協贊邦常率土之濱誠意溥將咸拜稽首依戴聖皇

雅政辭 皇皇聖明無遠弗燭林林衆庶無思不服元化惠心爲善去惡聖人之邦長生永樂

鳳凰鳴 承乾體元惟我聖君光開草昧惟我聖君綱紀庶政惟我聖君父母萬國惟我聖君惟我聖君兮覆幬如天惟我聖君兮自新新民惟我聖君兮中外乂安惟我聖君兮羣慝消淪拜手稽首兮頌溢兆民

乘驛使 大地茫茫大海滄滄豈伊無寶求之奚方自古在昔爲君爲王膺圖御宇命不于常實心實政惠此萬邦聖御大寶繫惟我皇繫惟我皇兮疇可與之頡頏

回部樂曲一章

律呂後編回部樂曲國書用漢對音而旁注宮譜今以漢對音載其詳

思那滿塞勒喀思察罕珠魯塞勒喀思

清史稿

樂志七

樂章五 錢歌大樂 錢歌清樂 凱歌辭

巡幸錢歌大樂二十八章

乾隆七年定

大清朝第一 大清朝景運隆肇興俄朵奄有大東鵲銜果神靈首出壹戎衣

龍起雲從解一雷動奏膚功舉松山拔杏山如捲秋蓬天開長白雲地蹙凌河凍

混車書山河一統聲靈四訖萬國來修貢解二皇宅中垂統瓜瓞嘒嘒聖繼聖功

德兼隆昇平頌怙冒如天恩澤濃解三人壽年豐時雍風動荷天之寵慶宸遊六

龍早駕一朵紅雲奉扈宸遊六師從幸萬里歡聲共解四

四時仗第二 御句芒春載陽震位峙東方順時令駕蒼龍驂吉良見垂虹青

萍漸芳行慶施惠恩波浩蕩解一御祝融晷正長南極星輝朗駕朱輅萬騎騰驤

贊俊傑遂賢良解二蓐收節露華初降金風乍涼兌列西方載白旗乘戎輅移天

仗萬寶告成一人有慶天垂貺解三顓帝司方水泉始涸天際彩虹藏乘元輅駕

鐵驪雲衝泥濘萬疊明霞奉太陽四時節物邀歡賞

解四

皇謨聖德欽無兩舜日

光天壤花明綵仗齊雲暖龍旗颺際昌時咸翹企仙輿

降

解五

承天眷第三 承天眷際風雲萬國車書奉一人衣冠快睹唐虞盛九域抒丹

悃殊荒重譯盡來庭和氣召嘉禎

解一

稽古訓溯昌辰元首明哉勵股肱一心敬

怠丹書儆宵旰不遑寧日新又日憲湯銘翼翼更欽欽

解二

端不爲繁華麗錦繡

春端不爲玉樹菁蔥太液澄喜今日調和玉燭烽烟靖不敢忘百年有備軍容

整那辭得陳師鞠旅擁旄旌皇衷切憂盛更危明

解三

秦隋奕奕璣衡正功業麟

兮炳千春清晏歌億載登豐慶喜金支紛旖旎蓬山境喜金支紛旖旎蓬山境

解四

貢琛球第四 琛球輸貢外藩歸化隸版圖正朔咸尊奉樂浪郡在海東安南

國粵嶠關蠶叢日本國畏威震悚琉球國奉朝請與內臣同

解一

萬邦虎拜咸修

貢干羽何須用東風入律吹干呂青雲涌海安瀾更上獻河清頌海安瀾更上

獻河清頌

解二

錦繡乾坤第五 錦繡乾坤佳麗御世立綱陳紀四朝輯瑞徵師濟盼皇畿雲

開雉扇移黎民引領鑾輿至安堵村村颺酒旗恬熙御鑪中黶黶瑞烟霏恬熙

御鑪中黶黶瑞烟霏解一鸞聲嘒嘒來雲際九奏韶鈞沸觀光仰赤球扈從盈朱

芾奉皇歡晝三接天顏喜奉皇歡晝三接天顏喜解二

中天盛世第六 中天盛世豈安甯瑞麥嘉禾表歲成騶虞白象出郊垌共祝

吾皇聖嵩嶽欣傳萬歲聲蔥蘢佳氣滿都城萬里皇圖鞏帝京衣冠文物際時

亨海隅寧謐無邊警巷舞衢歌樂太平喜今日金甌一統萬年清徧閭閻操縵

歌風絃誦興更郊原野蠶成繭柘陰輕解一時和歲稔調金鼎鳳展花相映青疇

麥兩歧黃隴禾同穎屬車臨喜萬歲聲遙應屬車臨喜萬歲聲遙應解二

奉宸歡第七 奉宸歡天單厚風光輦路浮遐阡邈陌都是黃雲覆羽蓋春旗

煥燐似繡正田家作苦勸耕時休馳驟金鐙鞭敲豹尾懸車後藏富於民於民

藏富

晴開五雲第八 晴開五雲移翠輦臣庶咸歡忭載見兮載見懷遠復懷遠聖

人朝縵雲歌復旦解際中天一氣鴻鈞轉習習和風扇龍津燕影低柳陌鶯聲

囀望龍旌迢遞過晴獻望龍旌迢遞過晴獻解二

瑞雲籠第九 綵仗瑞雲籠度晴櫓幾重金鑪高擁香烟浮動杳靄大夫松和

鸞到處和鸞到處百靈從玉檢金泥編珠毓貺不數漢家封

駕六龍第十 駕六龍御翠華帝德光天下薄海內總一家四徵外正朔加者

聲靈赫濯被四表賢荒遐

扈翠華第十一 扈翠華兮載馳御帝車兮載脂命風伯兮叱雲師洒道兮如

絲清颺兮應時

四時念第十二 仲春時司馬教振旅喜韶和綠英芳草滋平楚執鐃執鐸兼

賁鼓盤旅處如組還如舞解一念春日萬彙初榮庶況田家負耒牽牛方作苦解

置去絡仍弛畧天心祐應節彌甘澍解二仲夏時司馬教菱舍暢恢台銛蘆茂草

披平野名州名邑驅征馬行圍罷落日征袍卸解三念夏日赤輪炎似炙况我民

體足泥塗泥沒踝柳風沐雨無晨夜休嚴駕沖默居臺榭解四仲秋時司馬教治

兵喜颯爽金風初勁角弓鳴載旗載旄子櫛旌戢軍營萬寶正秋成解五念秋日

氣爽又風清况郊原農事方終稼既成用遵周禮詰戎兵望龍旌壺漿父老迎

解六仲冬時司馬教大閱正平郊獸肥草淺寒威冽建旗樹表疏行列多歡悅誰

道裘如鐵解七念冬日一陽初動脈况南郊陶匏明水將誠潔草甲方萌芽未茁

居金闕萬國來朝謁解八

壯軍容第十三 壯軍容威四方礪戈矛森甲仗剖文犀七屬爛如銀帶皎函

璀璨難名狀者的是金城保障解一有純鉤巨闕和盤野魚腸更有湛盧紫電承

影含光又豪曹似水素質如霜賽莫邪干將解二官箚最精良象弭魚服竹箭弧

桑更紅翎白鏃飲羽危梁控弦徹札有猿臂軍中飛將解三潤銛鋒鷗鷯初瑩鎔

莖錫龍雀成雙文似靈龜象侔白虎是靈寶亦曰含章比昆吾切玉百鍊純鋼

解四垂氏弦木槩弧斯荆冬幹春膠烏號繁弱明月當朔朗九合既成二弓交韞

解五振金鐃鳴金鐃畫角悠揚月明時風靜夜清吹還三唱踴躍軍心壯似鳳鳴

又如鶴唳更籌嚮刁斗傳千帳解六表和門旌施揚象七星建九旂置九章錯翡翠鸞鳳焯煌曳招搖輶素錦黃龍大纛在中央解七鏤衡鞍翠羽鑲金梁珊瑚鞭

瑪瑙勒靡麗非常啟譚囂盛朝不尙但推轂求良將雲行雷動正正堂堂解八

日初昇第十四 日初昇雲光曉旌旗暖龍鱗耀望雲山紫翠千重度耕隴桑

麻隱約黎民歡樂道餘糧棲畝又長嘉苗解一不讀書知忠孝作與息耕和鑿玉

泉流膏雨千塍晴雲歛炊烟萬竈黎民歡樂道餘糧棲畝又長嘉苗解二景融怡

風料峭太和會豐年兆噴其饒士女媚依鍾斯趙曾孫迎勞黎民歡樂道餘糧

棲畝又長嘉苗解三食君恩深難報願聖壽如山嶽稼既同跂脚高眠戶不閉官

清訟少黎民歡樂道餘糧棲畝又長嘉苗解四翠華臨寬旌導遵平陸登山嶠但

只見蔀屋衡茅一个个體溫腹飽不知不識日上眠方覺惟祝君王眞有道厪

痾瘵薄賦輕徭敷教澤愛親敬老黎民歡樂道餘糧棲畝又長嘉苗道餘糧棲

畝又長嘉苗解五

嘉祥曲第十五 溯嘉祥華平朱草航中唐龍圖授龜書界擾澤馬駕騰黃延

喜玉從天貺屈軼草階前長解一睹榮光白麟赤雁與芝房游河渚赤文綠字舒

蘭葉五色成章仙萑葉滋春圃瑞羽鏘鏘鳴女牀亦有祥麟一角和鳴鳳在

高岡解二日重光載冠抱珥出扶桑月重輝星重潤玉繩轉南極燁煌竹葦露甘

如釀蒲蕙風如秋爽解三舞鸞鳳非烟樓閣繡衣裳寶鼎見騶虞出浮沆瀣泛天

漿稽往牒探珊瑚網陳瑞物難名狀解四惟我皇不矜異物與殊祥闢四門明四目

求俊乂顯賢良愛稼穡垂旒纁措吾民春臺上解五

練吉日第十六 練吉日兮撰佳辰百僚具兮與衛陳屏翳弭節兮玉宇無塵

煌煌兮斗車奕奕兮天輪解一命太常兮奉牲用昭告兮百神潔粢盛兮肅明禋

將展輪兮效駕行下觀兮勤民解二甸師清畿兮縛草如茵野廬歸路兮香霧承

輪封人設楹兮左械右平掌舍具儀兮爰象太宸玉輦兮鏘鏘屬車兮隱隱解三

扇微颺兮清輶扈細霏兮朱輪備天官兮周衛盛輿服兮時巡虎賁兮肅肅徒

旅兮駉駉解四前驅兮按部後隊兮如鱗徵萬玉兮警途詔弭策兮入神解五軼浮

景兮騰青霄馴蒼螭兮驂絕塵陵高衍兮崕嶮陟巒阜兮輪囷解六仰皇輿兮肅

震嶽獻圖兮川貢珍若湛露之晞朝陽兮儼列宿之拱北辰

解七

蔭華蓋兮翊勾

陳綃紉綵縹兮旗旒逡巡配帝居之元圖兮象太乙之威神

解八

旂旒兮覽旌八

方兮列陳表朱兮離位植阜兮元冥飛縞兮象兌峙青兮直震

解九

流星旄電屬

兮盼塊圯以無垠九旗紛而揚旆兮五輅委蛇以接軫盛天下之壯觀兮將豐

鎬之是遵頌高山之荒作兮仰一人之鑒親

解十

謁珠邱第十七 謁珠邱杳竊松楸展几筵敬仰先猷國家積累惟忠厚篤公

劉解一緬音容霜露春秋設綴衣大貝天球愾聞僊見如親親溯前庥

解二

奉轡尊

旨酒思柔覲瓊牆蘋藻初羞萬方玉食尊親久無須效漢代衣冠月出游

解三

寢

園展祀尊堂構文謨武烈光前後蔥蘢佳氣浮縹緲祥雲緇億萬載升恒景福

從天祐

解四

高山天作扶輿秀遼海環其右鍾祥瑞氣蟠翊連靈光茂萬斯年永

奠定天同壽萬斯年永奠定天同壽

解五

御黼座第十八 御黼座肅朝儀沛宮法駕陳元會雲深處天門詆蕩太極崔

巍解一九賓設彤闥啟扶桑初擁瞳矐日傳臚句羣僚濟濟百辟師師盡呼嵩冠

帶委蛇

解二

獻琛球圖王會呼韓稽顙瞻雲日無中外雕題鑿齒烏弋黃支慶躬

逢盛世威儀

解三

中天華闕浮佳氣締造經營萬載基世德念幽岐天澤陳冠履

看到處祥颺唼霜羽蓋葳蕤看到處祥颺唼霜羽蓋葳蕤

解四

長白山第十九 長白山遠峙開原冠高峯峻極于天巉巖兮插漢千里兮巒

岈

解一

考山經曾傳不咸稽地志亦號商堅唐名兮太白有潭兮在顙

解二

萬頃迴湍鼓天風激灑文淵源深兮流廣三江兮出焉

解三

同江北海之源愛淖兮東注萬折兮千盤

解四

泉嚴冬兮不冰常煥兮無寒

解五

木葉山石磴盤桓華表山鶴影踰躓乳峰兮懸

溜井冽兮寒泉

解六

石門谿屹立巖前儼雙扉雲壑連綿迴合兮諸峯鈞窅兮羣

巒

解七

松花江波影澄鮮北流兮並海西旋混同兮合流自古兮長川

解八

遼河兮泔泮狂瀾遶澤兮泥淖蹢躅布土兮爲橋既成兮孔安

解九

雲屏雲影連蜺聖水兮傾盆萬松兮畫寒

解十

平壤城箕子名藩大寧城漢日新

解十一

安演範兮陳疇帶礪兮河山

解十二

鍾扶輿虎踞龍蟠植靈基天作高山拱衛兮

陪京永奠兮萬年

解十二

布爾湖第二十

布爾湖明如鏡庫里山秀列雲屏風來千頃碧雨過數峯青

萃扶輿淑氣是天地鍾靈

解一

有天女兮降生池畔吞朱果兮玉質晶瑩珍符膺

合爰生聖

解二

神靈始生即能言睿知聰明不待學徇齊敦敏至德莫能名

解三日

角珠庭稽古帝握褒履已更龍顏載千荷勝岐疑總天生

解四

當是時厥有三姓

角雌雄亂靡有定蠻觸互相爭

解五

汲清泉言至河濱見真人如日如雲稽首共

來迎

解六

睹堯眉衆姓咸驚是非常天不虛生葵藿早輸誠

解七

念吾曹原非好爭

今有主得荷生成從此戢戎兵

解八

定三姓尊爲貝勒似岐州虞芮質成荒度始

經營

解九

溯從來誕聖厥多瑞徵華胥履迹青雲繞身樞星照野虹流太清瑤光

貫月元鳥承罌載稽典籍辭難罄肆皇清至人首出乾坤篤生自義昊軒農瑞

錄祥經莫與京

解十

建遼陽第二十一

建遼陽爰築崇墉矗金城兮萬雉控列辟兮朝宗遠邇兮

歸懷庶邦兮是同

解一

恤天威爭執鞭弭歌孔邇願受幘幘興朝正朔咸尊奉遂

荒大東

解二

有哈達首鼠兩端數渝盟自外陶鎔天兵一舉咸驚悚似草從風

解三

有輝發反覆不常外生成夜郎自雄六師迅發如雷動棄甲投弓

解四

有烏拉包

藏禍心逞螳臂欲試車衝戈鏃一指雕弧控似掃虻蟻

解五

有葉赫憑陵負嵎似

游鱗翔洋釜中狡焉潛結朝鮮衆朝夕羽書通

解六

有朝鮮僻處海濱與葉赫狼

狽交通蚤蚤甘草相承奉結壘似屯蜂

解七

閔明季陽九方丁如懸磬朽杓其空

朝鮮葉赫相愚弄勢蹙不知窮

解八

四路兵犄角來侵無紀律誰適爲雄一時烏

合無拳勇號令馬牛風

解九

五十萬封豕長蛇肆貪狼非不恟恟止緣逐利非心

奉臨事各西東

解十

恣侵陵師出無名我天朝用詰兵戎堂堂八陣天威聳落葉

掃秋風

解十一

壹戎衣爲救黎元曾不費蒿矢桃弓遼陽建後金湯鞏王業首歧

豐

解十二

瀋陽城第二十二

瀋陽城王氣所鍾氤氲五彩縹渺如龍信佳哉鬱鬱蔥蔥

析木津箕尾之東上連天弁右抱神宮濟津梁霄漢垂虹

解二

近北極象逼穹

隆元苑置郡都護安東越金元頻建畿封

解三

我皇朝氣運方隆此惟與宅用恢

厥功相陰陽宅土之中解四維廣寧屹屹崇墉石梯連磴香水春溶十八盤萬樹

青松解五若旅順臨海居衝番彝屬集佔舶雲從轉南漕天庾斯充解六取廣寧屑

齒圻封惟茲旅順亦是率從啟鴻圖駿烈豐功解七左朝鮮右際雲中卜維洛食

龜筮斯從叶天人是爲大同解八帶渾河滄海朝宗白山控峙石柱雲封是神泉

俗厚民豐解九繞西南遼水滢滢襟環東北黑水混同壯聲靈鎬京辟塵解十擴輿

圖北暨烏龍牧牴舊部使犬遺戎震天威罔不祗恭解十一念中原民力困窮殫

輸將比屋皆空干戈充斥民無控拯其塗炭出水火中會清明四海來同解十二

鐵嶺山第二十三 鐵嶺山峯似削燔白石不消鑠遼陽之東鼓橐籥解一繡嶺

山萬花谷開松陽連雲壑海城之南氣磅礴上有三泉甘可酌解二平頂山雲漠

漠車曾駐盆可浴上有積水冬不涸解三木查嶺如鋸鏗峻而坦寬以博查水發

源巖際落解四降龍山神所託勢蜿蜒如拳攬風雨欲來光景鑠解五水泉山滋乳

酪清且美用烹滄萬斛珍珠瀉簾箔解六南雙山巨靈拓左陽峯右陰壑青天秀

削芙蓉剪解七是諸山互聯絡忽低昂而峯羣羊腸宛轉緣峰閣鳥道窮兮構略

約

解八

聚蔥薏儼巖嵌嶺峒豈寥廓蔽虧日月愁猱獲可喜可驚兼可愕

解九地

呈符天開鑰孕靈秀阜飛攫巨木如林纖草弱茂對乘時萬物育茂對乘時萬

物育

解十

孕嘉產第二十四 孕嘉產厥族滋蕃悉數之更僕爲煩山經爾雅空排纂略

疏梗概用告司原

解一

有於菟蒼質元斑吼腥風林葉摧殘霧中元豹尤燒悍異

名同族艾葉金錢

解二

熊似豕穴處空山善搏人春出冬蟠熊文黃白仍修幹力

能拔木不畏戈鋌

解三

有野馬形質輕猥走深山不服套轡日行五百如奔電野

羖似馬亦產遐邊

解四

扶輿鹿性喜林泉巖無膽力心常戰惟麇惟麇類族殷繁

解五

狼白頰前高後寬或蒼或黑皆臙健豺尤猛厲祭獸秋原

解六

一峯駝肉自爲

鞍頸修蹠曲眈芻豢力能任重用濟軍餽

解七

狐性疑狸愛安眠毛深溫厚爲裘

暖貉能求食富則資糴

解八

兔婆娑亦稱比肩鼯鼯五技徒蒙訕鼠名艾虎亦屬

茭茭

解九

貂似鼠其質胤然食松苗以栗爲饋紫毫豐裘服之孔安

解十

馬牛羊問

巷喧闐白頭豕用給盤餐居民比屋充常膳不須臆列以免辭煩

解十一

是熙朝

茂育功宜致物產滋盛春田四靈爲畜麟游旬殊祥上瑞多載青編

解十二

毓靈禽第二十五 毓靈禽五色名單虞人歲捕供時祀沙雞無趾出青林亦

貢丹墀

解一

有舒翹洵腴且肥家鵝舒雁仍甘美青鵠次之信天緣鵠鴈之類

鳴九皋元裳羽衣鵠鳴于垤丹其喙禿鶩長頸在水之湄翦霜翎用飾忘歸

解三

鵠在梁載詠風詩洵河吸盡蹄泔水斑鳩性拙縮脖高飛並翱翔適性忘機

解四

燕于飛下上差池善營巢秋去春歸曙色纔分最好是數聲乾鵲檐頭報喜

解五

啄木兒利口如錐蠹蟲穴樹藏身固緣木而求必得之在衆禽中號爲多智

解六

黑龍江爰有深池雁來初湛淡羽儀鷁雞繁鵠羣游戲汎清波卯息繁孳

解七

春來田鼠爲驚考之爾雅黃鸝是倉庚鳴矣夏日遲遲柳陰中好音流利

解八

河鷹松兒朶兒海東青性尤猛鶩天鵝褊魄狡兔何施虎斑鵠差可肩隨

解九

羽族深林茂枝飲與啄惟性所宜太和洋溢民物恬熙奏簡韶鸞鳳來儀

解十

蕃珍樹第二十六 便蕃珍樹籠溪覆鴈爰有蕭艾香蒲春雨後叢生幽渚紅

杏緋桃紅杏緋桃兔絲葦蕙連岡被楚藥籠儲馬蘭知時節紅藍茜不如

解一

松

釵雙股是爾雅篇中所著惟有神京秀鍾扶輿歲寒委其鉞獨五八千歲爲春
八千歲爲秋大椿齡綿綿萬古被光華含雲隱霧瑤光降斗樞三極五葉滋靈
草地產奇珍洩秘符地產奇珍洩秘符

解二

建皇極第二十七 建皇極司徒度廣輪壯皇居太史陳圭臬端徑遂三塗達

九達相陰陽百堵依繩尺

解一

南德盛當陽離嚮明東撫近出震青陽闕西懷遠

金行靖甲兵北福盛象緯通天闕

解二

前天佑高明法健行後地載博厚符坤德

左內治訐謖綏廟廷右外攘聲教敷重譯

解三

表雙闕艱難念武功致太平垂拱

思文德崇政殿穹窿憲紫垣鳳凰樓樸素無雕飾

解四

詆蕩蕩天門闢九重扇巍

巍雲際開金闕盛輿服衣冠拜冕旒肅威儀羽衛陳刀戟

解五

夜漏盡猶傳衛士

餐曉鐘鳴遽進雞人幘規久大朝廷多直言謀萬全殿陛無遺策

解六

援禮經郊

增建國南考彝章展敬陳蒼璧禮闕宮春秋厘孝思重宗盟宗正司宗祏

解七

得

天心謳歌獄訟歸孚人意鎬洛聲靈赫定中原鴻圖萬載基作陪京巡幸朝羣

辟八

解八

錄皇清第二十八

錄皇清景命隆成天平地永宅中聖繼聖續豐功制作定

世符御天乘六龍

解一

樂昭德禮備容覃敷聲教八方通道德一風俗同皇威馳

海徼仙仗過崆峒

解二

詠芹藻歌辟靡崇德紬惡發羣矇蛾有術瞽有宗壽考而

作人械模其芃芃

解三

嗟保介咨臣工犁雲耕雨勞厥功繪無逸圖幽風率育配

彼天倉箱裕我農

解四

種沿川桑戾風禕衣東嚮明婦功肅壇壝比先農父老歎

德化耕桑帝所崇

解五

整屏翰屹金墉得人則治簡帝衷甘棠芾黍苗芃廢墜罔

不修萬里咸提封

解六

闢三宅達四聰旁招俊乂秉至公霧豹蔚雲龍從曰舉爾

所知名字書屏風

解七

省耕斂寬租庸神倉百萬備荒凶胥保惠振貧窮暑雨與

祁寒咸化爲春風

解八

獸渰濬軌涂通誕疏地脈淀與淇水攸利年自逢浩浩乎

恩波匪今頌屢豐

解九

什一稅維正供求民之莫飭司農免溝壑樂食饗損上以

益下皇王儉德共

解十

海湯湯水朝宗日東月西出其中旦復旦無終窮涵乾而

納坤何所不包容

解十一

幹璇璣走靈囂嘉生繁植蕭艾空沛然雨蒸兮風至誠

契天心無爲而允恭

解十二

稽典禮命秩宗釋回增美悼且庸錫其竹心其松本

天以殺地夙夜襄變龍

解十三

由心生與政通作樂崇德應八風舞蹲蹲鼓逢逢

勸之以九歌還相爲其宮

解十四

師出律萃除戎包戈鉅甲百年中戒不虞愼厥

終有嚴講武事大閱張軍容

解十五

鴟食甚泮林中小人革面順以從嘉肺閒囹

圄空訟庭有青草獄吏服儒風

解十六

蘭有秀桂有叢白駒空谷豈時雍無遺賢

胥在公天工人其代六合臻邳隆

解十七

屏藩寄磐石宗本支百世五等崇式分

玉匪翦桐天潢流且長詎曰陝西東

解十八

繩祖武紹宗功於皇繼序克履中震

主器乾飛龍聖聖亶相承凝旒仰篤恭

解十九

祥繞電瑞流虹於萬斯年聖緒洪

麟振蜺乙造娥文予復文孫千億紀無窮

解二十

休滋至昭有融樂胥受祐胤且

鴻醴泉溢膏露濃升階協貞吉萬物泰而通

解二十一

時巡狩朝會同淑旂綏章條

革冲珪贊集鞬譯從聲靈振夷夏四海仰皇躬

解二十二

懷帝謂敷帝衷萬年遐福

韋來同周隋嶽漢呼嵩籙圖天不老治化日方中

解二十三

樂九成歌三終一游一

豫盛德同臣矢音眎奏公時邁夏節磬金石閒笙鏞

解二十四

乾隆二十五年平定西域郊勞得勝樂錢歌十六章

帝郊天第一 帝郊天天符帝天心所在帝默契陽雨若風霆明呼吸感應通以誠襲天罰誅譎詭聖人之兵不得已武功成王道昌順我者存逆者亡皇威所訖周遐荒億千萬載德莫量錫慶長功符兩大垂榮光

燦月竊第二 燦月竊震日淵埽準夷開屯田式擴自伊犁地大物賄若大宛及娑夷勃律咸慕思弗諉曰中國有聖人願隸塞垣遂極亥章之步罔賈之鄉莫不奉正朔備我外藩皇帝愷樂錫福垓埏俾各康爾性壽爾年

振王鈇第三 振王鈇天西極蠢爾回久拘繫繭之蠶揮之蠶出爾水火登衽席俾敗爾田宅爾邑亭毒煦嫗沐我化澤鷹胡飽颺擗反嚙搆逆煽亂其曷可弗殛振王鈇威稜赫

攻庫車第四 庫車言言我兵既攻有狡而伺其來如風雨殲醜徒蜂矢蜚鏃牽厥回纥賊頸腩縮鄂根之河鯨鯢橫波賊愴就斃圍牢自適惟彼債轅母戒伏莽鳥啼於幕魚漏於網

厥角稽第五 厥角稽乃自易將速進師所向警伏弗梧弗枝勢面膜拜涕泗

漣洏曰惟我戎首突狶張鷟哀我憚人肌膚痠蟚蛄之撼害不自知斯不缺鏃
不遺遂直抵乎大荒之西

黑水戰第六 黑水之戰騎危脊懸軍深入爲所搃蜂屯蟻附聚矢石我馬雖
憊人無敵立成壁壘奮戈戟賊來薄攻相距尺瞋目一呼盡辟易鉛丸著樹助
我擊靈泉火米資炊汲重圍三月莫敢迫古來誰與比奇績萬賊之中兵四百
援兵來第七 援兵來來自天矯踞景迅掣烟援兵來賊回顧奮螳當張蛙怒
援兵來堅轉戰人裹血馬流汗援兵來前軍回摧虎穴蹴蟻堆援兵來若神助
數月前奉詔赴

阿克蘇第八 阿克蘇何高旅軍暫以休蓄銳淬戈鋌選堅製兜鍪名駒千隊
來霜曉爾雲浮以布易彼粟篋筐爲乾餼士飽馬亦騰氣已無諸酋

鹿斯奔第九 鹿斯奔威所鑠兵載入批亢卻扼吭弗啞犄角斯搏餘毖並窮
駟蛩借踐攜載輜重棄老弱走險假息神錯愕火燎毛風轉鐸

回城降第十 回城降式歌舞王師入各安堵約法數章爾摩爾撫賦視寶布

泉式園府噢咻爾民久墊苦蕃爾畊釋爾刀斧昔穴巢今版宇煌煌御碣照萬古鴻荒以來此地榛狂誰咤豈曾隸中土

伊西洱第十一 伊西洱兩馬不得驅賊殲不盡此負嶠自言一夫當關萬夫莫踰偏師薄之忽驚潰倒戈降百千輩賊酋顧之心膽碎獨跳而走惟其喙伊西洱功不刊誰與侔格登山

和門開第十二 和門開軍容壯大荒西隅內向傳檄索伏隍諸羌聞之弗敢藏地犴盡天網張驚絃旣隕觸蕃復以戕遣使詣獻屍已僵和門開旌施揚滿營笳鼓歡聲長

天斷成第十三 黃河千年而一清聖人千年而一生曠古之事衆所驚惟天有斷斷乃成握神符貫元精二萬餘里雷霆行密勿指授六合清以寧天斷成巍巍之功莫能名

皇式第十四 皇式有告覲於列祖兢兢業業誕受天緒綏此武功式廓是新守成創業兼於一人鑒彼下國立爾蒸民凡有血氣者莫不尊親大孝承命錫

殿以純慈宮稱慶天地忻忻

辟雍第十五 辟雍水流湯湯爛然五色昭文章豐碑告功峙宮牆鐘鏞鼗鼓同鏗鏜皎如日月中天光鴻臚鉅製相得彰包舉要義重闡揚崇論開惑示萬方羣蒙洞豁祛疑障願壽琤玉揭講堂觀摩雉誦垂無疆

帝圖鞏第十六 帝圖鞏以大率土之族延頸面內登三咸五昌期會羣臣請上尊號皇帝讓弗許益持盈而保泰欽承天命夙夜匪懈方論功行賞恤士卒問民疾苦無出明年租稅天之所覆恩皆沛於胥樂兮千萬歲

乾隆四十一年平定金川郊勞饒歌十六章

皇威鬯第一 聖略宣皇威鬯風行電激物震盪物震盪聲靈馳靡堅不破高不摧巔西域版圖廓二萬餘里我疆索兩金川敢抗干自作不靖適自殘五載底績除兇頑春風吹饒入桃關奏凱還虎臣熊士皆騰歡

慎行師第二 索諾木僧格桑羅生熊狼附狼始蠻觸相尋奚事斧斨越數歲益蠶食鄰境遂各罹其殃矧聞維州之謠禍心包藏浸假約束是僭恩德是忘

勢在不得已整我戎行師出以慎動罔弗臧用乃聲厥罪懲厥狂

犄角攻第三 赫斯怒兩軍指巴朗拉從風靡取達圍克資哩西路角之南路
特約咱既得卡了救革布什咱復其疆里險如達烏安足恃鉦聲柝應俾狂魄
震襖夾擊威洊雷駛

釁拉平第四 小金之屏曰僧格宗猱攀不度堅礪如叢我軍先登摧枯振籜
深入其阻直抵美諾布朗底木追圍窮林厥子喙走厥父就擒汗牛板昭傳檄
帖服釁拉悉平軍聲赫濯

討促浸第五 促浸曾爲逋逃藪罪惡尤洵旅移指討厥比周徑阻雪積我軍
遲留彼潛伺微覩逞其狡謀降番應之紛相投屹然南路整衆還轉新壁壘厲
鋌矛遂進次乎田隴之陬

迅霆復第六 簡我禁旅勇且健七千其衆一敵萬統以將軍旗鼓建定西印
授西路進南路是副聲並震獎率趨材馳敢戰拏旗摩壘士氣奮熒險如夷兵
不頓有若熊虎懾颺驅釁拉全境薙株蔓曾不旬日收復徧饒饒如霆一何迅

八旗勇第七 八旗兵來如風西路入谷噶通南之隘克馬尼拉窠卡大如礪
醜三路心力齊一阻險功在西喇穆山日則口據默格斷其後八旗兵勇可賈
綠營衆悉鼓舞

窮猿僵第八 我軍馳先聲醜徒志以離竄渠伏冥誅械獻貳負尸七圖及蒙
固縛之連雞系拏側累來檻致於京師咄哉窮猿僵禍速焚林貽

扼宜喜第九 北路險曰宜喜則死守限尺咫絨布移兵循塗西指綽斯請留
願効驅使出奇制勝賊披靡冒雨揚兵兵爲洗扼山梁築我壘

越重壕第十 乘勝攻賊拒遏堅礪重壕掘康薩爾山徑險且窄鹿角如麻
憑阻轆轤我軍薄之若排闥曷深曷巍一躍而越踞厥顛蹂厥穴木思工噶取
如援臨高壓之下視峨巖蒙茸氣吞力隨拔

河之西第十一 河之西穢棘不可窮元戎決勝合力攻俾賊顛不得顧趾不
得容日旁以右羅寨柵棄而逃羴豕躡火其崖垠照燄赫五十里間地爲赤賊
潛喘餘燼灰飛將軍從天來

後路清第十二 夾河陣軍相望風雲通氣益壯噉爾丹既攻建瓴注之扼彼衝清後路勝算雄狙伏爲患惟遜克爾宗梯牆斫穴如抉叢後路清賊勢窮世臣繼勇勳名崇

一窟摧第十三 昆色爾高騎脊危拉枯下瞰烈焰飛酋則大海鞭一麾奇謀百出克勒圍八月中夜半時月光鏡膽寒妖魍狡有三窟一窟固已摧磨盾馳木蘭八日來紅旗

釜底魂第十四 西里既剗卡角斯折彼頑不靈螳斧當輟索隆科布屢摧其堅安布魯木迅掃其孱舍齊暮擣雍中朝罕盡撤藩以入巢幕岌焉賊境日蹙百縱一存釜底羣衆游魂曷延

穴蟻婦第十五 賊負固噉喇依困獸猶鬪四面圍批其腹心外不支甲雜獨松潰河西馬邦拾芥彼自隨陸置水苦會我師環以巨礮焦灼期計窮乞命俘渠魁罪人斯得逮旄倪穴蟻迅掃無留遺定以百戰誠若斯

武功成第十六 武功藏珠邱告禮成駐蹕露布適報策勳懋賞下明詔遂奉

慈輦東狩還舉郊勞儀獻紫綵俘於社廟崇善歸美尊上徽號親製紀功碣勒太學第功臣次燕紫光圖其貌屯師設鎮治聲教億千萬禩安笱微

巡幸錢歌清樂二十七章

乾隆七年定

九龍旂第一 九龍旂旌旗列宿懸龍角天田見箕翼常舒展龍尾更連螭牽

牛近代房心建東壁耀星躔

解一

婉孌奎文麗日天階見參旗曳九旒玉井珠駢

柳七星曲曲如鈎卷和門啟萬幕褰

解二

鬯皇威第二 鬯皇威好山如障翠屏圍凝樹色烟成縷鎖嵐光雲漸低回峻

嶺絲韁徐按度崇岡玉勒輕提龜背鐙滲金盃月明風曳素綃旗

解一

靖邊陲爲

思將帥鼓征鼙嫺八陣齊九伐用三驅式九圍撼山岳風雲動色固封疆鶴鶴

爭奇驅驟裏跨纖驢日輪高擁杏黃旗

解二

奠鴻基百年不用是王師在園囿麟

和鳳貢琛球航與梯因農隙講求獮狩際時和訓練熊羆獅蠻帶錦欄圍晴雲

不動絳紅旗

解三

太平時狼烟不設羽書稀四郊外無烽壘四民中多壽耆粉榆

社我田我稼羽林郎如虎如貔短後衣曼胡垂遠山一抹蔚藍旗

解四

綠陰中凱

奏歌聲美蘆管清笳沸四海樂昌期萬國圖王會馬如龍
逆邏車如水馬如龍

逆邏車如水

五解

整貔貅第三 整貔貅順天因地依山建壘制勝爭奇鄭鵠越雁鶴兼魚麗
箕翼張舒常山形勢用神機太乙陰符秘先天遁甲奇牝牡方圓縱橫斜銳變
化從心起左鈐戈右雄戟朱矐丹羽去忘歸朝陽舒畫旗柳葉貼青驪車書萬
里同文軌

河清海晏第四 河清海晏花村犬不喧講武訓戎旂幕府多雄健鎗鈴有祕
傳虎旅列戈鋌村吹靄暮烟鉦鼓競喧闐郊原自晏然轟雷製電端的是有征
無戰有征無戰

輦路平第五 輦路平錦隊開寶纛懸日麗風和瑞氣鮮前旌載鳴鳶春旗曳
柳烟遙聽處喚晴鳩嘯杜鵑寶劍瑯弓綰紛在後先氣雄邊花飄柳葉韃鞭敲
錦連錢鉦鼓聲隊隊悠揚出遠天農夫自力田村童自笑喧望前驅早度夕陽
川望前驅早度夕陽川

景清明第六 景清明萬彙蘇雲物煥皇圖集禎符羽儀絡繹在春田駐

聖武光昭第七 聖武兮光昭玉燭兮時調秋細冬狩建旌旄曳虹旂四方永
定樂清朝瑯弧久已鑿龍泉久已韜句陳翊衛天樞耀兩階干羽格有苗埽盡
機槍舞舜韶中天泰交文教敷敷文教

皇風泰第八 皇風泰景物妍元虬奕奕辰旒建靡畫旂行鎧靄細烟落花香
印馬蹏圓落花香印馬蹏圓

慶雲呈第九 慶雲呈霞光絢晴鳥嘯芳甸柳芊綿風來絮顛柔絲冒盛世多
清晏頌堯年祝堯年

象天行第十 象天行玉輦金根扈宸游萬騎雲屯角弓笳鼓聲相競美車攻
之子于征簡車徒有聞無聲解一際昇平清暉芳牋慶三農百室盈寧羽旗芝蓋
參差映念民依還厯皇情樂清時盡戴皇仁解二

虹流華渚第十一 虹流華渚星輝電綫樞慶長庚燦爛祥雲汜濩鞏皇圖永
固非烟非霧非烟非霧東海扶桑日裏金烏蕭索輪困樓臺殿宇天酒凝甘露

烟雲杳靄中廣樂鈞天盡向風前度時清每賜酺民樂還獨賦喜隨天仗踰跼
濟濟幾多鵷鷺

皇都無外第十二 皇都無外更日月光輝一統車書祥麟在藪鳳來儀貢館

鐘琬琤文犀間說清雲千呂島嶼平夷是中土聖主當陽喜輦下還將八景題

解一盧溝月曉更西山雪霽瑞色熹微金盞夕照曳斜暉太液池萬頃玻璃還有

居庸疊翠峻嶺崔巍崔巍玉泉虹瓊島春雲薊門外空濛烟雨飛解二

夏諺歌第十三 夏諺歌聲徧九垓又見山重複水縈迴相風高指靜塵埃者

的是萬國春臺歌元首明哉歌股肱良哉懋哉庶事康哉喜鑾輿到來喜鑾輿

到來靡魚須桑菴欲度高原龍旂沛沛豔宸襟周覽徘徊豔宸襟周覽徘徊識

民心愛戴民俗和諧華封人祝三多紅日近堯階從今後祝皇圖千秋萬載

芳騰曲第十四 看取芳騰錦句長楸古道細柳清泉風來霹靂拓弓絃日華

組甲飛晴練吟猿落雁垂楊已穿紅陽紫燕蟻封又旋軍容煜燿如雷電解一敗

獵無非習戰車攻四牡王制三田五紀曾詠召南篇七駟用戒司徒演獸肥草

淺龍旂有虔批頤扼頰虎賁載旋駕言行狩遵先典

解二

渥洼曲第十五

渥洼中珠霧氤氲天產龍媒苑蓄祥麟命臧圉辦其物色時

其芻秣萬騎駢馳瞳夾鏡竹批耳峻權協月風入蹏輕綠蛇衛轂紫燕駢衡騁
長途人馬相得如聖主之得賢臣

美留都第十六

美留都崇儉法陶唐大政當陽十署雁分行諮諏政事肅官

常節棧檻無煩刻鏤列棼橑無取焜煌珊瑚琳碧何似茅茨土牆符帝車太乙
連中央紀元建號承天貺啟皇圖居尊取極從民望靈臺雲物紀嘉祥五緯麗
文昌覃四國迄八荒瞻雲就日咸歸嚮詠德歌風壽且康

解一

金墉屹立平原曠

佳氣皇居壯天文屬尾箕地脈開蓬閤鬱蔥蔥與柱軸同輪廣

解二

湖興京第十七

湖興京實帝鄉艱難開創奠中原覆萬方太平休養水源木

本繼序不忘我受命溥將率由舊章勤祀典不愆不忘無怠無荒維新舊邦輯
瑞玉載弁奉璋來享來王一輪紅日擁扶桑廣樂記鏗鏘歌燕鎬莅明堂雲移

北斗成天象酒近南山作壽觴覃四國迄八荒瞻雲就日咸歸嚮詠德歌風壽

且康

解一

周岐漢沛寧相讓觀天顏和日霽宵瞻仰觀天顏和日霽宵瞻仰

解二

格皇天第十八 格皇天民順心聲靈赫濯雲霓望明丁百六餘分閔位穢濁

天常補天威一掃機槍定兩翼列旌旗分八行黃白紅藍如砌錦東西相次自
北而南如山嶽各爲一行握奇經天元地黃四奇四正包羅造化洞陰陽風雲
離合無恒象縱橫八卦變化無方握神機位在中央法河鼓先登上將左九星
如珠斯貫右九星屈曲如匡中權玉斗安牙帳礪戈矛器甲精良勳臣功績在
旂常變伐藉騰揚廟算長軍容壯指揮大定牛辭阜棧歸桃野馬脫金羈臥華
陽

解一

師貞協吉天成象聖武兵須講威加四海清恩逮千夫長看中林置肅肅

干城將看中林置肅肅干城將

解二

大淩河第十九 大淩河爽塏高明被春臬細草敷榮擢纖柯苜蓿秋來盛

解一

溜春泉淙淙玉聲匯廣澤水淨沙明注遼河一派澄如鏡

解二

曠平夷颯爽風清

際恢台暑退涼生謝炎囂飛蚊知避境

解三

宜畜牧牡馬在坳甘水草虻蚋不驚

歲蕃孽芻秣無違性解四選龍媒隴采何精翻紫燕鴛鵲長鳴或乘流汭淺過沙

汀解五志俶儻產自幽并控奚官首絡黃金或輕猿萬里志長征解六或蹶訖憑驕

怒生或假臥豐草長林或就浴潏潏玻璃淨解七或繫樹身閒體輕或俯訖沙肥

草馨或驚馳似畏珊鞭影解八或舉足遲迴未行或競步浮雲共征或驂驂踣躑

青莎徑解九或權奇高穎露晴或深穩步遠視明或携駒汗血天池孕解十喜昌時

澤馬效靈十二閑並毓房精駕鼓車遠方還納賢解十一萬年基海宇清寧早飛

黃鸞輅和鳴簡巡游不貴駒駝駿解十二

狩于原第二十 狩于原素節商秋日華宣月金波山川如繡曳明月靡魚須

用三驅載馳載驟解一騷褭騷如舞遶衢去若流亭童羽葆遊靈囿月滿烏號勁

沙融露草柔解二師執提工執鼓夏苗迄春蒐殿廡頽賢猛愁太白其左天狼右

夙駕于原殲禽殪獸解三言觀其旂參假風旂言觀其馬乘翳玉蚪撻戟矛審繼

鞬獸驚人怒聲啾啾獵園日落風悠悠解四雨獸風禽貫脇搭喉目電閃腥雲浮

濡繻一吹吹劔首序屬三秋嚴凝氣擎木葉山寒翠幄稠解五孰矢箠之於維繁

弱弓孰縻嗽之於維屈盧矛以作六師繁豈從禽謀賈帝德煥神猷泰階奕奕

綜乾紐

解六

紅雲隨過翠紫氣傍行轡山似黛水如油清切鳴笳馬上謳伊州涼

州華鯨撞處靈夔吼

解七

習五戎命七駟司徒招扑施車學揚清鞞著岑牟獸臣

拜賀同于狩一歲三田昭典禮闕歌狐貉爲公裘

解八

雲峯繞宸幄稠疊發五祀

奉時辰牡僊僊俟俟如山阜面傷禽不獻蹢揜迹斯求貴人賤勇垂王猷

解九

馳

深鼓利機趨險爲飛輶塞蟪蛄城筮篋既長既溥肇公劉雲赫萬國鞏千秋

解十

苞枿兌矣析木之陬於穆原廟皇矣珠邱時祭涓孝饗對揚錫宏休薦芳還講

武王輅統貔貅

解十一

鳴綠之江綠波流長白之山白雲浮于京斯宅東序陳天

球法駕莅陪都靈喬颺道游湯網開三而駟虞化可侔

解十二

丸丸百尺松鬱鬱

千章楸蛟龍奚遁藏豺兕供羶膻天閑上駟來庭廐來庭廐造父執靶王良挾

輶睥睨周朝八駿游

解十三

溫都魯憤清斐量衡皇度式膏澤帝功流永千禩光

六幽星分箕尾揭蚩尤靈威震疊兕宜肅肅皆公侯

解十四

午酉吉日諏金德常

剛大火流皇之士盡好仇皇之佐升大猷鳳儀廷兮麟在藪獻之天子萬邦其

採十五

日上扶桑第二十一 日上扶桑皇風鬯日上扶桑皇風鬯湛露瀝金莖仙掌

聖天子正當陽不顯丕承六合中恩膏廣舟車至盡來王觀一統太平真有象

解一叶車攻詠時昌一朵紅雲六龍降簇千官驚序萬隊驚行爭夏擊鉦鐃丁東

紛蠶帟旌旗搖漾鴻龐兆姓天顏仰齊道是春臺上齊道是春臺上解二翳華芝

排仙仗擁貔貅萬騎騰驤輝煌從龍應列象紛霏歷環衛句陳隔御光紛霏歷

環衛句陳隔御光皇威朗夏諺祝吾王游豫周官紀天子巡方解三王路砥駸康

莊除道清塵坦而蕩似觀河刻玉比蹤陶唐敷教化帝德郵傳奉琛寶臣心葵

嚮鴻龐兆姓天顏仰齊道是春臺上齊道是春臺上解四調玉燭乾坤清朗幸遭

逢時巡狩恩施浩蕩波翻翠瀲灩銀塘壓黃雲葳蕤搖繡壤同歡慶豐年綏

萬邦解五屬車相望選勝徜徉靈風薦爽引鸞旂引鸞旂轉龍旂揚擁耆民歡

心合掌天庥和暢稽首頌九如章鞠臚管萬年觴解六乍治宸襟延睿賞喜遙臨

玉輅翠幌喜遙臨玉輅翠幌康衢畔擊壤交庶唱聖壽無疆億舜日矢業弓輶

萬堯年鳳舞麟翔道敷天道哀時令典煌煌風行地筵省方永懷柔時邁其邦

省耕歛萬井蒙休養省耕歛萬井蒙休養猗歟慶熙朝奉聖皇

解七

表裏山河鴻

圖廣洵莫敢不來享條革和鸞旌旂央央化日高懸正舒長天可參地可兩天

可參地可兩

解八

合相輕漢武橫汾上示從禽懲舍往旂以爲轅蘭以爲防飭司

徒厲飾軍實壯不以火田不獻面傷駕龍文騰空曠

解九

列斯青廬還開玉帳秩

山川同衡量霑錫賚成夷暢旌霓旂虹奉皇歡休徵疊貺奉皇歡休徵疊貺

解十

縈瑞氣天和釀到處是上林春滿望花傍輦若含嚙含嚙傾珠襖洗塵鞅奏韶

英典太常霏霧雨卷靄鑑香員徧世界恩流德洋看雕題漆齒咸稽顙懸知紹

聖緒邁前王

解十一

昇平宇宙年豐穰勸補助天工人亮遙聽嵩呼萬歲長

解十二

九五飛龍第二十二 九五飛龍慶時乘九五飛龍久萬里錦江山歸大一統

今皇紹聖緒克繼豐功望如雲望如雲就是日垂裳端拱寅亮天工寅亮天工

盡梯航齊來朝貢

解一

萬象闢鴻濛超軼姬風殷頌修文偃武履帝位明目達聰

卑唐跨宋億萬年大寶金甌鞏紉綬綬沆瀣霏微黠晶晶旭日昭融

解二

閱五載

禮成巡狩叶車攻練時日鹵簿盛威儀盛威儀未央月曉度疏鐘徐張雉扇綏

啟銅龍紛雜沓千官前導鸞旂聳帥師濟濟萬靈呼擁奉皇歡五色雲車動從

于邁恩澤紀胤鴻從于邁恩澤紀胤鴻解三時雍萬福來同侍臣珥筆從容眎眎

禹甸幾多甘雨和風天顏有喜煥宸章揮灑騰麟鳳若雲漢倬彼昭回墨寶千

秋珍重解四或有時甘露珠垂或有時甘露珠垂或有時醴泉玉湧或有時澤出

金車或有時山開山開得者銀甕惟至聖足有臨兮足有容誠不顯而篤恭上

雲峯鸞輅輕移上雲峯鸞輅輕移浚日觀條鶴載詠解五香鑪傍日溫屬車瑞雲

湧看野陌黍禾如梁積祝無疆躋堂闔人頌敷德化民風沕穆喜到處時和也

更年豐編氓徧霑膏雨聽歡呼自南自北自西東解六規制度衡量同式震疊琛

球貢率遐邇北暨恒山率遐邇北暨恒山西至流沙南被交豳典禮咸修宸華

胥叶聲靈神悚信長此獻嘉符振麟儀鳳解七百職猗歟式序百祿亶其式總於

繹哉永綏民於皇哉允執中時巡幸虎賁扈從從律奏聲諸八風從不冒率俾

提封編氓徧霑膏雨樂饗殮自春自夏自秋冬解八重熙累洽如天永蕩蕩巍巍

邳隆翠輦行來紫氣擁

解九

聖德巍巍第二十三 聖德巍巍治九天大啟文明會景福綿熙和民物更鮮

妍麗紫垣策星夜動鸞旂發郊原

解一

河清海晏王道正平平思文謨武烈不承

不顯締造巍然監于成憲其永無愆

解二

萬方寶服仁風扇義問昭宣雕題鑿齒

重譯來朝獻東風便黃支烏弋識時先更白狼元菟金馬朱鳥盡入版輿遠

解三

聲教無邊巨九垓控八埏陟堯封過禹甸撫殷土歷周原漸被暨訖仰清光北

斗高懸

解四

崆峒山色翠如烟訪道人非遠姑射有神仙飲風吸露綽約嬋娟乘

雲氣御青天有虞氏親巡徧

解五

薰風拂五絃養恬樂利到處桑麻雞犬含哺鼓

腹風光堪羨吉蠲探風問俗非法駕清蹕稅桑田

解六

游河五老踟躕紫極光連

袖裏圖書一卷齊向丹陵獻八駿踏雲烟飛雷掣電黃竹詩篇瑤池清燕

解七

稽

古想前賢端垂玉兔屬車香裏曉發衝開宿霧天霓旌卷蘭生殿佳氣滿平川

解八岱嶽齊天七十二君曾駐輦泰山梁父云亭肅然崇封禪金泥印綠文玉檢

留丹篆

解九

羽林周衛錦袍鮮萬騎驂驪隱見黃雲馬足白日松顛蔥蒨貝葉三

花石芝五色搖漾拂寒烟

解十

虹旂綵仗五雲連柳映旌門在鎬承周燕鳴鸞幸

代旌蓋橫汾中流簫鼓振樓船

解十一

乘乾位在德之元八卦陳九疇衍皇極居

中建聖帝明王一游一豫芳躅古今傳

解十二

昇平無事歲三田臨之王制考之

風雅冬狩秋獮先期戒事虞人掌焉後道旂前皮軒璧貫珠聯

解十三

訓典昭然

時巡是五年雲沙輦路芊芊德音騰赤縣驪龍作馬日月爲旂霜原玉作田盤

營風輟鐃歌一閱覽詠大羅仙

解十四

蹀躞游龍第二十四 蹀躞游龍亭童羽葆莅止青野翠郊看蕩漾朱旗金瑤

五色瑞雲飄選吉日正麗景含韶好青春是朝廷有道好青春是朝廷有道麗

輪霓燭映星旄治宸襟詩歌蓼蕭雲標寶翰揭天藻皇衢慶詔寵霄

解一

恩威闡

澤敷八表百昌萬類咸荷鈞陶西被東漸聲靈遠耀用觀民而設教元良頌凡

有血氣者罔不孚尊親戴甘露降榮光繞五雲中盡瞻天認赭袍

解二

長路波迴

兮峯繞航海梯山匭包茅烏弋黃支絕域齊來到荷天恩涵大造婆娑起舞歡

欣醉飽舌人重譯感天恬冒一游一豫民歡樂招音作徵與角君臣庶歌仰熙

朝解三騎竹童扶鳩老萬年清晏而恩膏回輦深恩承細草解四

慶皇圖第二十五 慶皇圖肇域燕都重熙累洽聖化覃敷玉燭調金甌固巡

方兮繼述有虞解一聖人之生首出庶物握乾符膺寶籙載歌天保何福不除升

恒兮日月居諸解二宏九有入三無惠烝民膏澤涵濡遷善不知衢歌巷舞嘉祥

兮磅礴扶輿解三惟天之瑞慶雲甘露日有重光星有連珠惟地之瑞澤馬山車

醴泉兮噴若醍醐解四惟草與芝或紫或朱惟鳳與麟或七或五金船銀鬘游於

王所嵩高兮萬歲長呼解五於皇樂宵撫茲疆宇思武之烈思文之謨念彼車攻

載於石鼓吉日兮申用三驅解六禮官整儀羽騎星敷有旂有旐有旛有旗為龜

為蛇為熊為虎振振兮匪疾匪徐解七習習祁祁和風甘雨稷翼翼黍與與屢惟

豐年食我農夫農夫兮瞻望乘輿解八翠華斯舉香惹御鑪白雲出封青雲干呂

機槍為闔明月為堵塵清兮環衛周廬解九惟春有補惟秋有助所其無逸以游

以豫圭璧金錫思我皇度皇皇乎一統車書解十相彼東山啟我土宇奄有四海

續禹舊服聖聖相承以篤清祜卜年兮無疆之祚解十一鳳輦所經灤灤湛露五

行式序庶草蕃廡帳殿從容鼓吹和愉虎拜兮箕嘏飲福

解十二

萬國瞻天第二十六 萬國瞻天慶歲稔時昌燦祥雲舜日麗中央翕河喬嶽

紀詩章附輿執靶標星象胥莪極復陳常正恩威克壯奉金根陟嚮奉金根陟

嚮帝心昭格皇仁廣和鈴戛擊和鸞響德化風行草上刑措兵銷績熙工亮

解一

春省秋省軫吾皇軫吾皇句陳蕭穆出瑤閭叢花練繞時和盎時和盎閔龍旗

泝泝揚揚閔龍旗泝泝揚揚羽林挾轂驟雲驤式儀容玉琢金相

解二

村村繪出

昇平象豐亨原野裕倉箱一自龍輿降九閭詆蕩仰龍光風淳俗美泉水都廉

讓都廉讓成功奏遐軌邁陶唐

解三

莅春郊鳥嘯花笑稅桑田晨正農祥繁華觸

處豔青陽省耕助洵匪幾匪康

解四

序入恢台當盛長雨肥梅還釀清陰麥風涼

沍雲翔眷言萬彙咸敷暢菱荷香帶御鑪香聖情悅豫堪延賞

解五

囑秋原秋氣

爽導變輿黃菊香初放躋公堂稱兕觥金風玉露葉消棠萬壽祝無疆

解六

乾亥

風剛巽辰日朗禮垂冬狩排仙仗時納慶歲迎祥時納慶歲迎祥沛殊恩霑浩

蕩王輅聽鏘鏘酒醴笙簧飲堯尊歌舜壤

解七

以豫以休引恬引養黃童白叟欣

瞻仰聲教訖被遐方賈馨香紛舂鑿八駿盡調良雲錦鋪張統車書同衡量八宸游睿藻來天上覃圉澤恩波演漾喜起遊明良雖嗜相協饗

解九

昊天命第二十七 昊天有成命受此丕基武烈文謨式敷是貽疊疊我皇克

續鴻規敷天衷對幣無不宜

解一

欽若昊天敷時繹思求民之莫夙夜其咨迄用

康年維星協畢與箕既富且穀迪彼秉彝聖敬日躋帝命式于九圍

解二

憲憲令

德抑抑令儀綱紀四方涵泳聖涯率由前模惠澤勤施民之攸暨如取如携如

堦如旒迪教不違皇帝聖神天錫英姿聽聰視明法式生知并包蓄養解慍絃

揮仁滂施厚元氣淋漓千秋萬歲復親似與姬

解三

百姓昭明五典慎徽濬濯甄

陶沁骨浹肌如彼田矣亦既敷菑如彼室矣亦塗墍茨皇心統天品物咸資維

嘉維時樂矣魚麗

解四

翩翩之鴻言漸於達峭峭之鸞言集于涓藹藹王多吉士

赤芾祁祁束脩其躬慎乃樞機左右天子盍簪勿疑

解五

隆隆然雙闕晏然三陸端

拱明堂默運璿璣禮陶樂淑俗易風移金儀測象玉律定時四野八荒洵不遐

遺浞有離隰有施對時育物萬邦是綏省方設教用致雍熙無封靡于爾邦惟

日孜孜

解六

咨我三公及爾庶司豈敢怠安無平不陂建國親侯王者無私卜云

襲吉昆命元龜農事告成秋以爲期倬彼雲漢奎畢井甯揆文奮武營壘車騎

象緯昭回聖人法之以補以助上繼姚姒億萬斯年壽考維祺整法駕揚華旗

六軍雷動萬馬星飛白山嶢嶢綠水泚泚騶虞至鳳凰儀于疆于理皇心則怡

解七

渺渺川原坦然逶迤遺秉滯穗如京如坻各峙乃稂以饗我師鳥獸充牣碩

大蕃茲莫不振疊永藉保釐七駟既取萬衆咸隨鐔鐔鼓鐸幡然旌麾逐獸追

禽大戟長鉞爲鐃爲鐻載常載旂左律右鈇平於有司瞻彼翠華朱英蕤蕤星

旗月鉞錦韜珠璣禮百神奠四維王用三驅勿競厥威我求懿德允王保之

解八

張皇六師如虎如熊天休震動周道驅馳策勳在廟莫不寅威戢干韜矢說禮

敦詩天子是毗

解九

灼灼芙蓉花鈿鈿楊柳枝旛旐婀娜畫龍與螭千盾騰拏逐

豹與麋湛湛甘露酌以玉卮陛下千萬歲撫御萬國歸銜羈

解十

王會有圖天葩

芬奇交閭赤鬚元縹碧基文蜃大蟹孔鳥皋雞隄冠尊耳露大星施白鹿黃麒

獻其貔皮在彼澤宮璧水瀾瀾樹爾侯矣射熊與狸槐宸高聳棘路明熹鳴葭
駐罕麗日和颺四牡駉駉以車伋伋飲至言歸十一驂四鸞駕六螭形雲分五

老珠露浥三峽訪姑射拜希夷執衡與規循理因資昭假遲遲恭己無為十二

誕敷文德懷柔神祇天命靡謐念茲在茲周原稼穡小民之依蠲租賜復王言

如絲裁成輔相於鑠純禧首山之陽毋采爾薇商山之顏毋采爾芝三老五更

惠和宣慈有馮有翼爾性爾彌祖而割牲謙謙是揭示我周行瑟鼓笙吹十三

靈靈恒山幽冀之治絳雲紫霞歧歧疑疑青書綠笈神所護持包王孕帝駕軒

鑠羲元泉神草瑞勒豐碑爰命太常爰詔后夔式祀上帝饗以辟犧獻琮璧奏

咸池奎聯璧合星斗陸離洞簫玉琯鳳羽麟差十四中澤有葵南山有楸豈弟

君子佩玉履璫遭逢明盛文煥功巍三墳五典煌煌麗辭願續雅頌永鎮匪厯

十五

乾隆二十五年平定西陲凱歌四十章

睿謨獨運武功成天柱西頭奏永清候月占風傳自昔試聽今日凱歌聲其往

歲伊犁振旅回名王尺組就俘來天西月竊咸星拱戎索遙從昧谷開

其二狼狙

相兼弟與昆虜廷久繫兩花門九天忽遇王師下破械先施再造恩

其三

賜歸舊

部寵榮多俾撫殘戎釋網羅但使祁連山作礪不教蒲類海揚波

其四

何期鷹眼

終違化翻肆鴟音煽逆塵朔草並霑天上露黃沙偏負寒垣春

其五

恢恢天網本

來寬稔惡誅鋤務欲殫宵旰從容宏廟略偏師重進取兇殘

其六

梯衝烈烈庫車

垣逋寇倉黃竟返奔那識降人爭獻款亡巢傲幸漏游魂

其七

虎符申命下丹霄

壁壘旌旗煥一朝頓覺三門新氣象元戎更拜霍嫖姚

其八

一軍早定沙雅爾百

堵旋收阿克蘇萬里風馳還電掃大兵直壓賊城孤

其九

蟻結蜂屯三閱月熊蹲

虎踞一當千如山軍勢原難撼醜類空教倒戟旋

其十

業囊不待裹糧行早喜因

糧在敵城奇應何須驚雨粟地留火米待神兵

其十一

天漿那挹斗杓盈陸海茫

茫疏勒城忽報靈泉隨井渫滿營歌舞拜王明

其十二

鼯鼠從知技已窮著林飛

礮響隨風鉛丸拾得還殲寇翻爲天朝助火攻

其十三

天廐飛騰萬騎來追風已

過拂雲堆更番士卒符神算恰作奇兵拔壘回

其十四

六城層齒扼和闐一夕降

旗因壘傳五里何妨迷渚野轉乘霧靖狼煙

其十

羣番秉令盡從風聯部扶

携厥角同重譯獻來回字表喜爲臣僕象胥通

其十

結旗乍卷銳師分戈壁風

沙結暮雲半夜賊營齊破膽驚從天上下將軍

其十

腹背交攻攻並力爪牙盡

挫挫安逃天風吹蕩虻蜂陣伏穴潛藏似犴牢

其十

葉爾奇木門洞達哈什哈

爾城崔巍此間風景古未識祇今惟有天兵來

其十

纏頭夾道拜旌旗涸澤揚

沙久赫曦最是神奇回造化兩師今亦迂王師

其十二

久傳婦子望雲霓今聽歡

呼應鼓鼙跪奉雕盤爭獻果葡萄苜蓿比難齊

其十二

殊方何幸戴堯天從此坤

城列市廛薄賦但教供苜蓿同文先爲易金錢

其十二

勁師分道襲刀環轉戰經

時草木殷入夜窮追聲影絕山頭明月一弓彎

其十三

萬衆爭先虜氣銷呼聲天

半落盤雕至今人過伊西洱猶覺蟲霆撼碧霄

其十四

舊聞天宇原知向今醫神

鋒不可撓一一顛顛盡泥首夜來刁斗靜無聲

其十五

陣合將軍飛羽箭戰酣勇

士掣琱戈降戎奉檄皆鷹犬兔走山前得脫屣

其十六

殘生暫保齊那爾狡窟難

尋罕布孩白鵠旗高函逆首都丸親奉凱書來

其十七

蟻肺蜚肱自不支親離衆

叛欲何之輕刀砍陣蹂輕騎又報分張貳負尸十八奏捷星馳絕域書御園雲

物小陽初葭灰未動春先到應瑞花爭四照舒十九送喜璇闥晝正長共邀慈

福樂時康武成敬頌無疆壽錫類同瞻日月光三十山川競說方輿記風土爭

傳王會圖此日西維逾二萬崑崙猶自在東隅三十一默伽樂國舊曾誇豈謂還

成井底蛙自此天方增喜色員教土宇屬天家三十二旭日瞳矐元象開八紘七

政在璇臺嚕斯納默知欽若同向冀階奉朔來三十三萬古冰山雪獻闕盡教職

貢附朝班落梅何處春風笛一路筇沖接玉關三十四獻截盾功紀泮林天章更

勒遠山岑祇看雲漢昭中外字字唐虞二典心三十五功成始仰廟謨神測海捫

盤見未眞崇論昭宣聾味覺共欽至理析天人三十六泰壇琮璧陳天貺清廟圭

璋告大猷盛典輝煌羣祝嘏皇心肅穆自凝庥三十七日麗風暄敞鳳樓九霄丹

詔瑞雲浮敷天湛露恩施溥奏凱聲中愷澤流三十八駿烈都從睿斷成登三咸

五總難名祇今尺筆收天外歲籥纔看第五更三十九舞羽葉弓偃六師策勳飲

至拜丹墀小臣願譜鳴笳曲珎筆慚無朱鷺詞四十

乾隆四十一年平定金川高宗御製凱歌三十章

廿四中秋夜丑時木蘭營裏遞紅旗本來不寐問軍報孰謂今宵宛見之其一七

千里外路迢迢向十餘朝茲八朝可識衆心同一志嘉哉行賞自宜昭其二賊巢

最是勒烏圍甲雜小連噶喇依破竹勢成應不日速傳捷信願無違其三行營半

夜那來喧卻是紅旗到敘門五載勤勞同上下鴻勳集總沐天恩其四紅燈一點

引紅旗頃刻行營人盡知舊部新藩同賀喜古來報捷可如斯其五成言原有付

兒行一見紅旗即奏將雖是慈心早知喜更馳侍衛報山莊其六一破賊巢飛騎

馳未遑詳細盡陳之將軍宣力應優賜先示端倪加勉宜其七前次受降惟戢斧

今番報捷乃犂庭敬承天眷能無慰未至武成心未寧其八宵衣惟吾理合然喜

而不寐那能眠乃知展齒事誠有較彼殊猶高下懸其九三捷盼來一月間此時

軍務正相關執渠掃穴歌者定佇待郊臺奏凱還其十甲午桃花寺蹕停軍書正

此俯窗櫺幸哉今日仍憑處綠柳中飛一點星其十一勒闡報捷夜行營重值上

陵晝返程一刻萬人齊色喜光明日月永銷兵其十二三穴猶延一月餘六軍舊

勇豈饒渠周遭火器熾攻處早爛區區釜底魚

其十三

旬餘棧驛八朝至一片紅

旗萬馬飛夾路羣番喜且懼國之慶也國之威

其十四

險惡山川靖梟獍邪深機

阱絕根株從今番部都安堵強食姦欺自此無

其十五

蠶叢絕險隱妖氛百戰功

成古未聞鑿鼓冬冬聲凱獻羌兒稽首送將軍

其十六

堅礪林立萬重山破險衝

鋒歷盡艱奏績都資軍將力紅旗一道入桃關

其十七

姜維征處號維州豔美戎

人謠語留今日勒闌爲內地無憂城果是無憂

其十八

盼捷經冬復入春垂成偏

覺意塵類今宵料得方安枕明告愼哉用武人

其十九

流離此日穴巢傾耆定從

茲可罷兵歌凱莫教容易聽五年功幸一朝成

其二十

郊臺仍是此郊臺何幸重

修盛事來漫謂數年經契闊精神注似日相陪

其二十一

勳臣率拜列靈旗軍士鳴

螺赫武儀樂奏饒歌行抱見詰戎家法萬年垂

其二十二

己巳班師本受降庚辰郊

勞典鴻胤放牛歸馬予素志凱獻何期此見雙

其二十三

準部回城定五年金川小

寇亦如前嘉予將士久敵愾不覺對之增惻焉

其二十四

地險加之衆志堅林礪步

步戰而前小於昔事難過倍慰意恒因意惻然

其二十五

鑿穴而居避火器終於而

縛出蕃城貪生螻蟻固如此聚族將焚語豈誠

其十六

倏經于役五春秋棧道崎

嶇似坦郵夾路花紅復柳綠阿誰致悔覓封侯

其十七

脫卻戎衣換吉衣龍章示

獎特恩稀同心戮力還掄最便解天閑賜六飛

其十八

兵洗金川永不波潢池跋

扈竟如何良鄉近遠多黎庶歡喜都來聽凱歌

其十九

凱歌亦豈易爲聞五歲辛

勤勞衆軍我實未甘安午夜幾多憂慮與平分

其三

乾隆五十五年高宗八旬吏部尙書彭元瑞集御詩爲萬壽衢歌三百章帝自

圓明園回宮奏以前導而內截外攘治定功成羣臣亦屢有奏御之篇康熙二

十年葉方藹上皇雅曰涇邱十二章美受降也曰關隴十二章平隴右也曰南

紀十一章平閩也曰巨浸十一章平海寇也徐嘉炎上鐃歌鼓吹曲曰聖皇出

皇帝受命也遼水奠平察哈爾之亂也安隴右平王輔臣也豫章翻定江西賊

也掃七閩平耿精忠也海波平驅鄭錦也平五羊討尙之信也桂水深定廣西

也殲渠魁吳三桂死逆黨解散也洞庭湖平湖南也收成都平全蜀也克黔陽

定貴州也定昆明誅吳世璠平全滇也文德舞告成功也凡一十四章袁佑亦

上平演饒歌曰聖同天日出師初曰皇矣曰於鑠曰氏畝曰昔夜郎曰萬方平
曰於都曰審天心曰山石凡十章康熙二十三年聖祖巡幸闕里徐元文上東
巡雅十三章李振裕上親祠闕里雅一篇顧汧上述聖政雅東山十章南勳十
章金居敬上駕幸闕里樂府十二章康熙二十八年聖祖南巡趙執信上南巡
樂府凡四章曰東南春道路無擾也曰歲星謠獨祖稅也曰江水清吏知法廉
也曰桃花然變民俗也彭會淇亦上南巡風謠十章康熙三十六年親征沙漠
厄魯特遁陳廷敬上聖武雅三篇惟天十有一章言初臨沙漠安邊破敵武功
盛也皇矣十有一章言撫降人民也武成十有一章言禽孽殲兇武功大成也
王士禎上平北雅一篇杜臻上平漠北饒歌鼓吹曲曰揚聖武神幾捷峙金湯
踞獬獸天駟蝗天行健非孤雛伏天誅衢歌繁武功成光芝檢陳王會凡十二
章陳論上聖武功成饒歌鼓吹曲曰聖武昭行天討虔祭告命將帥嘉祥應三
出塞廣招徠大無外凱歌還辭尊號凡十章宋駿業上平北雅成命九章言天
子自將出塞靖邊塵安萬民也皇祐九章言天子再出塞料軍實決機宜也天

監九章言天子三出塞兇醜窮蹙服天誅集大功也沈汭上聖駕北巡錢歌四章撫萬國言天威北指厄魯特遠遁也乘法駕言大駕巡邊喀爾喀懇切輸誠也紫壇高言德合天人甘露沛也六龍旋言還宮齋被親詣北郊也姜宸英上平沙漠還宮凱歌七章皇矣頌宸斷也有山崔嵬述貞符也從軍樂卹將士也絕大漠頌神武也二儀樂好生也雄狐美諸將能禦神算成大功也歌凱旋樂寇平大駕早旋也雍正二年錢陳羣上青海平定錢歌曰麋之窮賊母俘屈羣醜三章乾隆八年沈德潛上謁陵慶成樂府曰聖大孝發鑾輅盛京樂謁三陵懷祖烈禮成宴羣蕃朝大狩閱永錫類六龍迴十章萬承蒼蒼亦上帝鑒十章乾隆十四年梁詩正平定金川雅有繹五章美出師也戎車四章翦二豎也繁雲五章番酋降也鸞鑾五章告成功也夢麟亦上聖武遠揚雅一篇乾隆四十二年程景伊上平定兩金川雅四篇曰苞葉十章續拉肇釐按旅組征遂平之也寅威七章索諾木納我叛人守險拒命簡師濟師番戎機以摧堅銳也周陸十章師武臣力克承賚策悉俘羣醜武功成也凱懌十章聖武既昭行慶秩典

中無疆也雍谷揄揚第羣臣之嘉頌雖未頒樂官而掌固有可紀者增見於末云